

## 'Dixwazin rastiyan berovajî bikin'

Serokatiya Konseya Rêberê a Koma Civakên Kurdistanê piştî wêneyên odeya girtîgeha weki hucreyekê ku Rêberê Gelê Kurd Abdullah Ocalan tê de tê girtin, hatin weşandin, destnîşan kir ku desthilatdariya AKP'ê û dewleta Tirkîyeyê dixwaze ku raya giştî bixapîne û wiha daxuyand: "AKP û dewleta tirk dê nikaribin gelê me bixapînin û ji têkoşîna dilsoziya bi serokatiya xwe bidin rawestandî. Divê bê zanîn ku ne Teverga Azadiya Kurdistanê, ne jî gelê kurd li hemberî vê bextreşîya kujerî ranaweste û dê çalakiyên xwe xurtir bike..." RÛPEL - 5



# Li Îmraliyê di bin tecrîdeke giran de ye

Rêberê Gelê Kurd Abdullah Ocalan 11 sal in di bin tecrîdeke giran de ye. Mafê sohbetê, ragihandinê, axaftina bi malbat û xizman re heta niha bi awayekî nehiqûqî hatiye astengkirin

### LI ÎMRALIYÊ HIQÛQ TÊ BINPÊKIRIN

Li Girtîgeha Îmraliyê di nav van 11 salan de tu standardên navneteweyî nehatine bicihanîn. Rêvebirina Îmraliyê di bin venêrina MGK û Navenda Krîzê ya Serokwezîrtiyê de tê meşandin. Saziyên mafên mirovan ên li Tirkîyeyê jî gelek caran bal kişandine ser nehiqûqiya li Îmraliyê.

### 260 ROJ CEZAYÊ HUCREYÊ

Di nav 11 salan de heta niha 16 caran cezayê dîsîplînê li Ocalan hate birîn. Her wiha hemû daxuyaniyên Ocalan û tespîtên civakî weki rêvebirina rêxistinê hatin fêmkirin û bi tevahî 260 roj cezayê hucreyê li Ocalan hate birîn. Tirkîye li Îmraliyê hiqûqa xwe û ya navneteweyî binpê dîke... RÛPEL - 8



# ROJEV

6 Kanûn - Yekşem 2009 E-mail: awelat2002@yahoo.com Buha: 50 Ykr Hejmar: 24



## Konferansa Sînemayê dest pê kir

Konferansa Sînemaya Kurd ku bi çalakiyên cur bi cur yê li ser sînemaya kurd pêk tînin ku gelek sînemagerên kurd beşdar dibin û heta 13'ê kanûnê dê bidome bi nîşandana filmê Ghobadî dest pê kir...

ÇAND R9

## Dîsa bombeya gazê dîsa zarok

Li Mersînê polîsan bombeya gazê avêtin malekê û di encama bombeya gazê de li malê şewat derket. Zaroka yek salî Zelal Bağış ji mirinê filitî. Bavê Zelala biçûk, dê giliyê polîsan bike...

NÛÇE R3



## Kirinên JÎTEM'ê hate vegotin

Di doza JÎTEM'ê de xizmên kesên ku ji aliyê ekîba Cemal Temîzoz ve hatine qetilkirin axivîn. Serceyvan Kamîl Atak mexdûr tehdît kirin, Cemal Temîzoz jî xwe spart dema OHAL'ê...

NÛÇE R3

# LI HER DERÊ SERHILDAN

Kurdistanî jî bo Rêberê Gelê Kurd Abdullah Ocalan li Kurdistanê, metropolên Tirkîye û Ewropayê li ser piyan in. Çalakiyên jî bo protestokirina şertên Ocalan vediguherin serhildanê



### PEVÇÛN VEDIGUHERIN ŞERÎ

Duh li Çinar, Cizîr, Silopî, Riha, Semsûr, Edene, İzmir, Bazîd, Qoser, Nîsêbîn, Geve, Sêrt û gelek bajarên din gelê kurd li ser piyan bû. Di çalakiyan de di navbera polîsan û gel de pevçûn derketin. Gelek kes birîndar bûn û qadên pevçûnan veguherîn qadên şerî.

### TÊKOŞÎNA RÛMETÊ DÊ BIDOME

Gelê kurd di peyamên xwe yê çalakiyan de dilsoziya xwe ya ji bo Ocalan tîne ziman û dixwazin şert û mercên Ocalan bêne başkirin. Her wiha tê destnîşankirin ku li hemberî tasfiyeyê gelê kurd dê tu carî dev ji têkoşîna xwe ya rûmetê bernede... RÛPEL - 4

## Erdogan li hemberî gelê kurd şer îlan kir

Piştî Serokomarê Dewleta Tirk Abdullah Gul û Wezîrê Karên Hundir Beşîr Atalay, Serokwezîrê Dewleta Tirk Recep Tayyip Erdogan jî gelê kurd weki hedef nîşan da û gelê kurd weki "terorîst" îlan kir û wiha got: "Hêzên me yê ewlehiyê û dozgerên me li her derê çî pêwîst be dê bikin." Bi vê yekê Erdogan talimata şer da hêzên dewletê... RÛPEL - 4

### AKP nêçîrvaniya gelê kurd dîke

Bi têkoşîna Teverga Azadiya Kurdistanê re dewlet mecbûr ma ku bikeve nava çareseriyê. AKP jî neçar ma ku çareseriyê xapînok gelê kurd bixapîne. Xwest ew destkeftiyên gel ku avantaj e vegere dezavantajê û li ser siyaseta bike. Xwest vê pêvajoyê bike malê xwe. Xwe mîna partiyê demokratîk nîşan bide. Niha AKP nêçîrvan e û gelê kurd jî nêçîra AKP'ê ye... Nîvîsa Ş. ZAGROS R.2



## Gelê kurd jî bo azadiyê li ser piyan e

Gelê kurd jî bo azadiya Rêberê Gelê Kurd Abdullah Ocalan li Kurdistan, metropolên Tirkîye û Ewropayê bi şev û roj çalakiyên xwe li dar dixin. Li girtîgehan çalakiyên grevên birçîbûnê hatine destpêkirin. Li gelek bajar û navçeyan gel dikanên xwe venakin. Ligel daxuyaniyan bi meşên girseyî şertên ku Ocalan tê de ne, şermezar dîkin... RÛPEL 4-5

### Lîstik bi ser neketin, rûpoşa AKP'ê ket



Ji mêj ve hatiye gotin ku di şer de serkeftina herî mezin şikandina îradeya dijmin û dijberan e. Lewre jî şer bi tenê bi çekan nayê kirin, bi rêbaz û navgînan cur bi cur tê kirin...

SAMÎ TAN R2

### Dewlet tiliya xwe dîke kuna mozan



AKP pakêteke qaşo ya pîrsîrêka kurd derxist hemberî raya giştî. Carina hêviyên ku pîrsa kurd dê çareser be geşbûn carina jî weke mirov pîfî fîndekê bike hêvî bi xew ve çûn...

MIZGÎN BÎNGOL R5



# Di Modernîteya Kapîtalîst de peyva aştiyê tijî bi xefk e

Modernîteya kapîtalîst li hemberî tevgerên azadî û demokrasîyê her tim di nava hewldanên tasfiyekirinê de ne. Ji ber vê divê gelê kurd jî her demê zêdetir hişyar be

ŞANSTÊR ZAGROS

Di sistemên desthilatdar angoy kapîtalîst de pêvajoyên ku çareserî û aştiyê dikevin rojevê de xefk, dek û dolap di bin zimanê nerm de têne veşartin. Di heman demê de ligel pêxistina nîqaşên der barê demokrasîyê de jî her tim risikeke tasfiyeyê jî heye. Mirovên desthilatdar li ser rêbazên cuda yên tasfiyekirinê serê xwe diêşin. Di rastiye de li şûna serî li ser çareseriyê biwestin û çareseriyê biafirinê zêdetir li ser tasfiyekirinê dihizirin. Ev siyaseteke hevbeş a modernîteya kapîtalîst e ku li hemberî tevgerên demokrasî û azadiyê ye. Van tevgeran dikişînin nîqaşên çareseriyê, eger bibe bi hin gav û pêşketinên erzan dixwazin wana têxin nava sistemê û bêbandor bikin, marjînal bikin, eger nebe muzakereyên cur bi cur pêş dixin, hêviyên girîng didin van tevgeran û vana tev dixin xefletê û wan di rewşeke pir lawaz de digirin û dişkinin. Di dîrokeke nêzik de ev siyaseta li hemberî Pilingên Tamiliyan şopandin û darbeyên giran li wan xistin. Siyaseta li hemberî PKK'ê îro tê şopandin jî ji vê siyaseta navneteweyî ya modernîteya kapîtalîst cuda nîne. Lê PKK naşibe tu tevgerên din. Reseniyekê xwe ya pir girîng heye.

Rêberê Gelê Kurd bi rêbazê xweser û bêhempa bingeha PKK'ê avêt. Di serî de xwedî bîrdozîyê civakparêz, demokratîk û hemû qismên civakê bêtî ferq û ciyawazî têxe nav hembêz kir. Her tişt bi tîgîhiştina çêkirina şoreşê dest girt û her tim xwe li gorî pêdiviyên demê, civakê û bi taybet jinan guhert û veguhert. Ji tevahî serhildanên kurd cudatir gerdûnîbû û civak-mirovek azad armanc kir. Di her wateyê de xwe pêxist, nû kir û pêwîstiyên mirovahiyê ji xwe re kir him... Ji ber vê siyaseteke kevneşop di rastiya PKK'ê de de ne encamgir be û mehkûmê windakirinê be.

## AKP partiyekê sistemê ye

Lê dewleta tirk xwest heman şewazê li hemberî PKK'ê bide pêkanîn. Pir aşkera ye ku AKP ne PKK'ê nas kiriye û ne ji gelê kurd ye PKK'î nas kiriye. Eger nas kiriba, dê neketiba nava helwesteke ewqas bêhiş. Eger zanîba birêz Ocalan nûneriya kurdê azad dike, vîna gelê kurd e û ne kesek e, gelek e de hêj zêdetir bihişmendî tevbigeriya. Lê em dibînin ku gelê kurd piştî hilbijartinên herêmî yê 29'ê Adarê dewletê neçarê çareseriyê kir û xist nava lêgerîn û çareseriyên nû. Lê AKP çî kir? AKP jî neçar ma ku çareseriyekê xapînok gelê kurd bixapîne. Xwest ew destkeftiyên gel ku awantaj e vegere de zaxavantajê û li ser siyaseta bike. Got ez de vekirina kurd bikim, piştê got vekirinê demokratîk û her wiha di van demên dawî de jî got yekîtî û yekparebûn. Xwest vê pêvajoyê bike malê xwe. Di raya giştî de xwest îmajêke wisa ji xwe re ava bike. Xwe mîna partiyekê mirovhez, kurdeh û demokratîk dide nîşandan. Lê dema mirov meyzîne ev lafazanîtiya li ser demokrasîyê tî kirin bi zihniyeteke neçîrvaniyê dike. Niha AKP neçîrvan e û gelê kurd jî neçîra



Ciwanên kurd li hemberî pêkanînê li ser Rêberê Gelê Kurd Abdullah Ocalan divê li Kurdistanê û metropolên Tirkiyeyê rewşa awarte îlan bikin. Çalakîyên herî dijwar gerek bi pêş bixînin Hemû kurdên xwedî rûmet gerek li hemberî van pêkanînên li ser Ocalan bédeng nemînin. Ji ber ku azadiya Ocalan tê wateya azadiya gelê kurd.

AKP'ê ye. Nêzî hilbijartinan dibe jî ber vê jî neçare girseya kurd nêzî xwe bike ku careke din were ser iqtidarê. Niha derdê AKP'ê de çawa di hilbijartinê de were ser iqtidarê ye. AKP partiyekê konjoktûrê ye. Sistem angoy dewlet dixwazin bi riya AKP'ê kurdan têxin bin bandora xwe û jî PKK'ê qut bikin, niha eger AKP ev wezîfeya danîna pêşîya wî pêk neyîne, de çem û çem here. Niha di nava panîkekê de ye, ka de çawa xwe bi ser bixe.

## AKP, CHP û MHP wekhev in

Lê mixabin hin kes ev listokên AKP'ê nabînin û dibêjin; li rexmî her tiştî AKP jî CHP û MHP'ê baştir e. Lê di rastiye de nizanin ku jî partiyên din cudatir nîne, heta hêj xetertir e. Partiyên sistemê ne. Çavkaniya van pirsgrêkên em îro dijîn ev sistem in. Yê ku hê jî bawer dikin de AKP çareseriyê bîne divê dev ji vê hizirandinê berdin.

Niha sabotekirina pêvajoyê AKP, di serî de DTP, CHP û MHP dide nîşandan û pêvajoya ku nîne di holê de wekî ev partî provoke dikin dide nîşandan û xwe bi vana rave dike. Eger yê aligirê me jî bêjin 'yên nahêlin çareserî pêş bikeve û li pêşîya hewldanên AKP'ê dibin asteng MHP û CHP ye' jî di nava xeletiyên mezin de ne û tîstî listika AKP'ê.

Divê baş were zanin ku qet pêwendîya AKP'ê bi exlaqê siyaseta re nîne û jî bo berjewendiyên xwe xirabiya ku neke tune. Ev di rewşa Rêberê Gelê Kurd de jî bi awayekî aşkera derkete holê.

Dema mirovek temenê xwe yan mezin dibe, yan jî mirovekî pir gunehkar be zû jî hev dikeve û enerjîya wê ya li ser piyan bimîne namîne, jî lewma her timî mirina xwe dihizire cihê xwe amade dike û cihê ku tirba xwe lê çêbike bi destê xwe diyar dike û li benda mirina xwe ye. Ji ber dilê xwe rehet nîne. Lê di rastiye de AKP bi navê nemiriniyê mirineke pêşwext ji xwe re tine. Erdoxan mîna Gilgamesh li dû nemiriniyê ye, lê nizane ku tirbeke pêşwext ji xwe re angoy jî zihniyeta xwe ya sexte re dikole.

## Rûyê AKP'ê deşîre bûye

Her tiştê edî aşkera bû ku AKP jî bilî demogojîya demokrasîyê tiştê nekiriye. Edî ew axaftin û peyvên xemilandî pînc qirûş nake. AKP xwest bi navê çareseriyê hinek tişt biguherîne û temenê xwe dirêj bike, lê jî ber di niyeta wê de tas-

fiyekarî hebû nekarî ve siyaseta xwe bibe serî. Ji ber carekê ketiye nava ve rewşê îcar nikare jî nav derkeve. Di aliyekî de rûyê mada-loyoyê ye xapandinê û di aliyê din de rûyê xwe ye rast ye wehşî dide nîşandan. Ev politîkaya tasfiyê û îmhayê jî ber politîkaya dewletê ye hemû rêk diçin heman cihî.

Ev di rewşa birêz Ocalan de tam piştrast bû ku ka aliyê nerm ê dewletê xetere an jî aliyê hişk e. Ji ber vê sedemê wekî me li jor dest-nîşankiriyê AKP bi agir listiyê û dilîze. AKP ketiye riyekê jêveveger, lê jêvevegerbûnekî edî tune bibe. AKP bi pêkanînê li Îmraliyê rewşa xwe aloztir kiriye. Bizanin ku fatûraya Îmraliyê çiqas buha ye. Edî şîarên mîna 'AKP xwe şaş neke, sebra me teng neke' pêwîst e neyên gotin. Ma hîn de dewlet angoy bi taybet AKP jî ve xirabtir çî bike. Loma divê li gorî pêvajoyê û xeteriyên ziman edî were guhertin, zimanekî liberal û pasîf neyê bikaranîn.

## Rola ciwanan pir girîng e

Em weke ciwanên kurd divê di Kurdistanê de rewşa awarte îlan bikin û li gorî wê çalakîyên xwe bi awayekî herî dijwar pêş bixînin. Yek, divê em angoy her kurdeke/î xwedî rûmet û girêdayî Rêberê xwe û azadiya xwe di ya Rêberê xwe de dibîne zarokên xwe rênêkin dibistanan, jî zarokên heft salî heta ciwanên zankoyê dibistanên ku navenda faşîzmê ne protesto bikin û heta rewşa Rêberê me neyê başkirin û neyê azadkirin em neçin dibistanan. Di Kurdistanê de di rêjeyekê diyar de karmend û karker hene divê ev jî bi heman şeweyî neçin ser kar û tekevin nava çalakîyan. Di Kurdistanê de di serî de AKP, CHP û MHP çî navendên wan yê parti û şaredariyên wan hebe divê em hilweşînin û wana jî welat biqewitînin. Her wiha li her deverê Kurdistanê navendên polis û leşkeran heye, divê ev jî bi heman awayî werin hilweşandin û neçarê revînê werin kirin. Bi çelengên reş danîna ber avahiya wan re Rêberê me wê neyê azadkirin ne jî wê rewşa wî bê başkirin. Li dewsa çelengên reş divê navendên wan werin dagirkirin û ew werin qewitandin.

Divê di bajarên mezin de rawestgehên wesayîtan (otobûs, separe, tren, kamyonetên mezin ên karkeran) werin dagirkirin, tekelen wan tev werin teqandin û bê karîger bimînin. Her wiha welatparêzên ku nikarin tekevin nava çalakîyan pêwîst e di

cadeyên bingehîn de pêşî li wesayîtan bigrin û hinceta çalakîyên xwe jî xwediyên wesayîtan re vebêjin.

## Heta azadiya Ocalan

Armanç; heta ku Rêberê Gelê Kurd negihîje azadiya xwe, ji xwe azadiya Rêberê Gelê Kurd tê wateya azadiya gelê kurd. Her saetêke bê çalakî, bédengî jî me re tê wateya mirinê. Ji ber vê çendê her keli bi Rêberiya xwe re divê bibe şîra me ya demê heta em Rêberê Gelê Kurd bigihînin azadiya wî. Ev tev dikevin berfirehiya prensîbên parastina rewşa û parastina cewherî. Parastîneke cewherî ya saxlem û bihêz de mîsoger azadiyê di demê kin de bi xwe re bîne.

Em dikevin qonaxekê nû û di heman demê de qonaxekê pir xeternak. Em weke gel jî her demê zêdetir nêzikî azadiyê bûne. Her ku em bi hêz dibin hêzên desthilatdar jî li hember bihêzbûna me kompleksê dijî û bi çavreşî dikeve nava hewldanên bêhiş. Ji loma demên herî rêxistin û gel bihêz de ye de pêkanîn û komployan cur bi cur tîstî pêxistin. Çima? Ji ber eger gel û PKK ne bi hêz be, jihevketîbe zêde hewce nabîne ku tekeve nava plansaziyên dorfireh, dibêje berde bila hêdî hêdî marjînal bibe. Lê di rewşa berovajî de jî ber di serkeftina vîna gel de dawîya hêzên dewletparêz dibînin angoy dawîya xwe dibînin, jî ber vê yekê tu harbûn û dînatîyê neke wê nebe. Jixwe ev çavreşîya xwe di pêkanînê li ser Rêberê Gelê Kurd de bi awayekî vekirî danîne holê. Bi van helwestan re di serî de AKP darê di bin lingê xwe de qut kiriye, ne ku qut dike. Divê em tev bi vî zanabûnê tevbigerin û keliyekî xwe vala derbas nekin.



Samî Tan

sberbeyan@yahoo.com

## Lîstik bi ser neketin rûpoşa AKP'ê ket

Ji mēj ve hatiye gotin ku di şer de serkeftina herî mezin şikandina iradeya dijmin û dijberan e. Lewre jî şer bi tenê bi çekan nayê kirin, bi rêbaz û navgînên cur bi cur tîstî kirin. Di serên serdema nû de rêbaz û navgînên şerê derûnî cihêkî girîng û taybet digirin.

Bala xwe bidin şerê dewleta tirk a li dijî kurdan hûn ê ve rastiye bi awayekî zelal bibînin. Hêzên dagirker û hevalbendên wan ên navneteweyî li gorî xwe bernamîyê çêkiriye. Di vî bernamîyê de şikandina iradeya kurdan, jihevxiştina sazî dezgehên kurdan, belavkirina rêxistinî û pergala kurdan heye. Ji ber ku dagirker dixwazin ku kurd pêkhatîyêke serbixwe, divê nebin xwedan îrade, xwedan sazî û dezgeh, divê nebin xwedan pergaleke xweser û demokratîk, ew divê di nav pergala heytî de bihelin.

Heta niha dagirkeran dixwest ku kurd jî aliyê çandî û zimani ve jî holê rabin, bi temamî bibin tirk. Lê niha hate ditin ku tiştêkî wiha ne pêkan e, lewre jî dixwazin wekî pêkhatîyêke herêmî û folklorîk hebûna xwe heta demêkê bidomînin, lê di encamê de jî holê rabin.

Ji bo pêkanîna vî bernamîyê hêzên dagirker bi hemû rê û rêbazan zorê didin kurdan, carinan bi kurtêlan carinan bi şimakan, carinan bi çekan bi ser kurdan de diçin. Heke pêwîst bike, ji bo wan jî desthilanînê bixin, carinan li ber wan jî digerin.

Her cure cudatîyê di nava civaka kurd de dikin sedema dubendî û nakokîyan, dixwazin beşên û çînên cuda yên kurdan berî hev bidin, wan bikin neyarê hev. Her yekî çawa di nav xwe de pirdengî û pîr-rengiyê wekî xetere dibînin û pîr-rengî û pîr-dengîya di nava kurdan de jî dixwazin bikin bingeha şer û pevçûnan.

Li ser vî bingehê di nav DTP'ê de li dubendî û nakokîyan digerin, di nav PKK'ê de li nakokî û dubendîyan digerin, di navbera PKK û DTP'ê de di navbera hikûmeta Başûr û PKK'ê de dixwazin şer pevçûnan derxin. Ji mēj ve li pey wê yekê ne ku hinek kesan bigihînin hev û jî Teverga Azadiyê re bikin ri-keber û dijber. Mixabin pîrî caran hinek derdor ve rastiye nabînin ku dema çapemeniya tirk mikrofonê dide ber devê wan, xwe wînda dikin û çî tîstî ber devê wan dibêjin.

Plana dagirkeran zelal û diyar bûye, heta niha wan dixwest bi çend gotinên xweş dile kurdan geş bikin û wan jî hêza desthilanînê û berevaniyê bixin û bi vî awayî bernamîya xwe bibin serî. Lê niha diyar bû ku kurd bi vî yekê naxapin, lewre jî wan rûpoşa xwe danî aliyekî û rûyê xwe ye rastîn nîşanî her kesî da. Li aliyekî pergala li Girava Îmraliyê jî berê xerabtir dikin, aliyê din doza girtina DTP'ê tîstî rojevê, ne dîr e ku nêzî biharê disa dest bi operasyonêke li ser Başûr bikin.

Lê bila her kes bizane ku gelê kurd jî niha pê ve jî bilî çareseriyêke rastîn tiştêkî napejirînin. Şerê taybet ê dagirkeran heta niha bi ser neketîye, ji niha pê ve jî bi ser nakeve. Lê divê were zanin ku kêşeya kurd edî ketiye qonaxa çareseriyê, tu hêz nikarin rê li ber vî yekê bigirin. Dek û dolabên xapandinê de çareseriyê derengiyê bixe, lê nikare rê li ber çareseriyê bigire, di encamê de de doza aşti û azadiyê bi ser bikeve.

**ROJEV**

Zozan Basın Yayın Adına  
İmtiyaz Sahibi: Eser UYANSIZ  
Yazı İşleri Müdürü: Mustafa AGGÜL

Yönetim Yeri: Diclekent Bulvan Teriml Apt. Kat:3  
No: 9 Kayapınar / DİYARBAKIR  
İdare Tel: 0 (412) 251 38 88  
Yayın (Weşan)  
Tel: 0 (412) 237 48 91 Fax: 0 (412) 237 48 89  
Baskı(Çap):  
Stenbol: Gün Matbaacılık, Reklam, Film, Basın  
Yayın Tan. San. Tic. Ltd. Şti., Telsizler Mewki Beş-  
yol mah. Akasya Sok. No:23/A Küçükçekmece /  
İSTANBUL Tel:0 (212) 580 63 81  
Edene: Arslan Güneşdoğu Gazetecilik,  
Matbaacılık, Kağıtçılık, AŞ. İstiklal Mah. İstiklal  
Cad. No:44  
Seyhan/ADANA Yaygın Süreli Yayındır



# Şahidan wehşeta JÎTEM'ê vegot

Di doza JÎTEM'ê de xizmên kesên ku ji aliyê ekîba Cemal Temîzoz ve hatine qetilkirin axivîn. Sercerdevan Kamîl Atak mexdûr tehdît kirin, Cemal Temîzoz jî xwe spart dema OHAL'ê

Di 6'ê emîn danişîna doza 7 bersûcên ku Fermandarê JÎTEM'ê Cemal Temîzoz û Sercerdevan Kamîl Atak jî di navde li 6'ê emîn Dadgeha Cezayê Giran a Amedê hate dîtin de maxdûrê bi navê Sabrî Gasyak diyar kir ku birayê wî yê 13 li gel 4 kesan hate kuştin û di vî bûyerê de Fermandar Temîzoz rapora "Ji aliyê cerdevanan û PKK'ê ve hate kuştin" amade kir. Di danişînê de Sercerdevan Kamîl Atak, bi gotina "Hêza min heye vî hêza min tahrîk nekin" gef li mexdûran xwar. Temîzoz jî xwe spart dexlê OHAL'ê.

6'ê emîn danişîna doza 7 bersûcan a Fermandarê JÎTEM'ê Cemal Temîzoz, Sercerdevan Kamîl Atak, Tamer Atag, İtîrafkar Hidir Altug, Adem Yakîn, Firat Altun (Abdulahkîm Guven) li 6'ê emîn Dadgeha Cezayê Giran a Amedê hate dîtin. Di danişîna ku nêzi 14 saetan domkir de maxdûr hatin guhdarkirin.

## 'JÎTEM'ê ji mal birin'

Hevsêra Abdullah Efeltî Besne Efeltî diyar kir ku hevserê wê dema diçû zeviya Hasan Şik biçînê ji aliyê Cemal Temîzoz ve hatibû astengkirin û ji ber hevserê wê tirsîya êdî dest ji çandîniya zeviye berda. Efeltî, da zanîn ku her roj leşker dihatin mala wan û hevserê wê dipirsîn ji ber vî yekê nêzi 20 rojan hevserê wê newêribû biçûya mal. Efeltî anî ziman ku dema hat malê li ser rîya xwe çû Qereqola Yankelê û bi rayedarên leşkeriyê re hevdîtin çêkir û hate mal. Efeltî destnîşan kir ku piştî hevserê wê du rojan li mal ma, roja din leşkeran mala wan dorpêç kir û piştê du texsiyên bêplaqê hatin ber derî û cerdevan û endamên

JÎTEM'ê jê daketin xwar. Besna Efeltî got ku hevserê wê û kurê wê birine. Efeltî, got ku beriya hevserê wê bê binçavkirin rojek berê gotibû "Temîzoz gef li min xwarin. Dê min bikuje. Dema ez birim, bi şopa min kevin" Efeltî, piştî 2 mehan keyayê gundê Katranê diyar kir ku li duriyana Kijên cesetek dîtiye û wiha dom kir: "Min ceset nedît, lê piştî wê ne nîşanî min dan ez hînbûm ku hevserê min e. Piştê dozger bang min kir û cuzdana wî dan min. Lê ji tirsan min serî li rayedarên neda û min gilî nekir."

Piştê birayê Abdulazîz Gasyak, Sabrî Gasyak îfade da. Gasyak, têkildari kuştina Omer Candoruk, Yahya Akman, Suleyman Gasyak û Abdulazîz Gasyak ku di adara 1994'an de hatin kuştin û li Birên Botaşê mirî hatin dîtin de îfade da. Sabrî Gasyak anî ziman ku dema birayê wî hate kuştin ew 13 salî bu û wiha got: "Birayê min cigare difrot. Bi sê hevalên xwe re çûn Silopiyê. Li Birên Botaşê hatin binçavkirin. Birin gundê Holant. Piştê 500 metre dûrî Qereqola Gundê Havuzlu kuştin. Ji bo em birayê xwe bibînin me serî li emniyeta Silopiyê da. Li wir jî me re gotin 'Li birayê xwe negerin, hûn ê ji di rîya wî de biçin' Emîne Tadiq bû şahidê kuştina 4 kesan. Piştî malbata me çûn cihê bûyerê ew definkirî dîtin. Piştê li gel leşkeriyê ew birin Morga Nexweşxaneyê Dewletê ya Cizîrê. Wê demê Temîzoz jî hat ber nexweşxaneyê û gef li me xwar. Ji me re got 'Ji bo van kesan tu tiştî nekin û nepirsîn. Ger ku hûn bi pey şopa wan kevin, hûn jî dê mina wan bibin'. Piştê jî Temîzoz rapora 'Ev cerdevan in û ji aliyê PKK'ê ve

hatine kuştin' amade kir.

Gasyak, destnîşan kir ku ligel ekîba Temîzoz, ekîba polisê bi lakabê Ramazan Hoca yê girêdayî Midûriyeta Polisan a Cizîrê jî hebû û wiha dom kir: "Ramazan Hoca birayê min Reşat Gasyak 3 caran qasî 15-20 rojan binçav kir û îşkence lê kir. Piştî 4 kes kuştin, JÎTEM'ê wesayita Omer Candoruk bi qazî 7 mehan bikar anîn. Min dit ku Abdulhakîm Guven, Adem Yakîn, Hoca Selîm, Hidir Altug û Cebbar wesayita Candoruk dajotin. Hemû derdor jî vî ekîbî dîtirsîyan û zanibûn ku mirovan dikujin." Piştî îfadeya maxdûran Parêzêrê mexdûran Tarîh Elçî mafê axaftinê girt û diyar kir ku ew darizandina herî dijwar dikin. Elçî wiha got: "Kesê li hemerî be rêxistina sûcê herî mezin e. Kesên ku dellîlan kom bikin û suç û suçdaran aşkera bikin niha li vir tene dari-zandin. Ev rêxistina suc tenê ji Cemal Temîzoz pêk nayê. Piştî îfadeyên mexdûran İtîrafkar Adem Yakîn got "Me qralê têkoşîna bi terore re meşand". Sercerdevan Kamîl Atag jî gef li derdorê xwarin û wiha got: "Weki parêzeran got hêzek min a mezin heye. Bila ev hêz tahrîk nebe. Bila kurê min Tamer serbest bê berdand û li wê hêzê xwedî derkeve."

## Temîzoz xwe spart OHAL'ê

Temîzoz jî diyar kir ku li herêmê dewlet di bin dehditek mezin de bû û wiha got: "Pirsgirêkê me yê hebûn û ewlehiyê hebûn. Malbatên li cem dewletê cih digirtin di bin gefanê de." Piştî îfadeyan Heyeta Dadgehê biryara berdema girtina 7 bersûcan da û taloqî 8'ê cile kir. AMED (DÎHA)



## Dîsa aqûbeta windayan pirsîn

Xizmên kesên ku ji aliyê dewletê ve hatine windakirin û Komeleya Mafên Mirovan (ÎHD) li Amedê û Êlihê çalakî li dar xist. Li Îzmîrê jî ÎHD'ê berna-meya hefteya mafên mirovan aşkera kir.

Li Amedê parazvanên mafên mirovan û xizmên windayan cara 43'ê emîn çalakî li dar xist. Di çalakîya ku li Parka Koşuyoluyê hate lidarxistin de Sekreterê ÎHD'ê Amedê Burhan Zorooglu bal kişand li ser rewşa Rêberê PKK'ê Abdullah Ocalan. Her wiha di çalakîya vî hefteyê de çîroka windakirina Faik Kevciyê du 1993'yan de hatibû windakirin hate vegotin. Burhan Zorooglu diyar kir ku şert û mercên Ocalan pir giran e û heke hikûmet samimî be bila heyete serbixwe ya navneteweyî bişîne Îmraliyê.

Piştî axaftina Zorooglu, rêveberê ÎHD'ê Raçî Bilîci çîroka windakirina Faik Kevci vegot. Bilîci diyar kir ku Kevci di sala 1993'yan de ji aliyê 3 kesan ve hatiye revandin û piştê jê agahî nehatiye girtin.

ÎHD'ê Êlihê jî bo balê bikêşin li ser rewşa kesên ku hatine windakirin li kolana Gulistanê çalakî li dar xistin. Serokê ÎHD'ê Êlihê Osman Kunteş û gelek kes beşdarî çalakîyê bûn. Di çalakîya vî hefteyê de çîroka

windakirina İzzettin Sevenê di 1998'an de hatibû windakirin hate vegotin. Serokê ÎHD'ê Êlihê Osman Kunteş di çalakîyê de got ku divê berpirsîyarên kesên ku hatine windakirin bêne dîtin û darizandin.

Piştî axaftinan 5 deqîqe çalakîya rûniştinê hate lidarxistin.

## Bername aşkera kirin

Komeleya Mafên Mirovan (ÎHD) a Îzmîrê, berna-meya bi munasebeta "Heftêya Mafê Mirovan" aşkera kir. ÎHD, dê di navbera 10-17'ê kanûnê de berna-meyên cuda pêk bîne.

ÎHD'ê Îzmîrê, berna-meya bi munasebeta "Heftêya Mafê Mirovan", dê di navbera 10-17'ê kanûnê de berna-meyên cuda pêk bîne. Plansaziya berna-meyan wiha ye: 10 kanûn, ÎHD, ÇHD û TÎHV, dê li ÎHD'ê Îzmîrê daxuyaniyek hevbeş bidin. Di heman rojê saet di 16.00'an de dê ji ÎHD heta Qada Komarê ya Konakê meşekê pêk bînin. 12 kanun, dê ji bo windayan li ber Sumerbanka Konakê pêşengeh ve berna-meya muzîk û sinevizyon pêk were. 16 kanun, dê ji bo girtiyên nexweş li Postexaneyê Konakê nameyan bişînin. Di 17'ê kanûnê de jî berna-meya girtinê pêk were. AMED / ÊLİH - İZMİR

## Ciwan berê xwe didin çiyayên azad

Di merasîma 31'ê emîn salvegera damezirandina PKK'ê de 70 şervanên nû piştî piştî perwerdeyê tevli HPG'ê bûn. Di nava 5 mehan de 591, di nava 9 mehên dawî de jî 787 şervanên nû tevli refên HPG'ê bûn.

Pîrozbahiyên salvegera damezirandina PKK'ê li çiyayên Kurdistanê didome. Di pîrozbahiyên de bi merasîmeke 70 şervanên nû yê ku ji Dibistanên Şehîd Erdal perwerde bûn tevli HPG'ê bûn. Di maresimê de endamê Navenda Parastina Gel Riza Altun axaftinek kir. Altun got ku ew di pêvajoyeke girîng de derbas dibin. Gelek pêşketinên siyasî diqewimîn. Nîşaneyên serkeftinê û risk jî pir hene. Altun bal kişand li ser rewşa Rêberê PKK'ê Abdullah Ocalan û got ku dewlet li aliyê tecridê giran dike li aliyê din jî operasyonan zêde dike.

Altun got ku heke li gorî hesasiyeten pêvajoyê tevbigerin dê encamên baş derkeve holê. Ev yek girêdayî sekna wan e.

## Bi ciwan beşdar bûn

Tevlibûnên ciwanên kurd ên HPG'ê di mehên dawî ango hikûmeta Tirkîyeyê nîqaşên qaşo çareseriyê dike de zêde bû. Di 5 mehên dawî 591 şervanên nû tevli HPG'ê bûn. Ji meha adarê heta niha jî 787 şervanên nû piştî perwerdeyê tevli HPG'ê bûn. BEHDÎNAN (ANF)

## Zaroka yek salî birîndar kirin

Li Mersînê polisan bombeya gaze avêtin maleke û di encama bombeya gazê de li malê şewat derket. Zaroka yek salî Zelal Bagîş ji mirinê filitî. Bavê Zelala biçûk, Remazan Bagîş diyar kir ku keça wî di encama bombeya gazê de nexweş ketiye û dê der barê polisan de gilî

bike. Bagîş got ku dema ku polisan bombeya gaze avêtine malê, li malê şewat jî derketiye. Keça wî bi tesadufî xilas bûye. Her wiha Bagîş xwes tu polisên berpirsîyar bîn darizandin. Ji ber vî yekê jî serî li Komeleya Mafên Mirovan (ÎHD) da û alikariya hiqûqî xwest. MERSİN



## Bi gefa kuştinê ciwanan dikin ajan

Li Êlihê ciwanên bi navên M. O. û Y. O. diyar kirin ku polisan bi gefa, "Hûn nebin ajan em ê krtên we yê kesk betal bikin û we bikujin" li wan kirine daxuyandin ku bi taybetî ji wan hatiye xwestin biçin DTP'ê û bizanibin ka ciwanên DTP'î çî dikin. Ciwananxuyand bi boneya ewlehiya canê wan tune ye dê serî li ÎHD'ê Êlihê bidin.

Li Êlihê hevildanên ajankirina ciwanan bi hemû rêbazan berdewam dike. Ciwanê bi navê

M. O. yê 18 salî daxuyand ku çend meh berî niha ji hêla polisan ve li Kolana Amedê hatiye rawestandin û li hemberî pereyan teklîfa ajantiyê ji bo wî hatiye kirin. M. O. diyar kir ku gefa, "Tu ji bo meajantiyê nekî me dê qartên kesk ên malbata te bi tevahî betal bikin û te bikujin" lê hatiye kirin. M. O. anî ziman ku ji ber ku bavê wî nexweş e pêşiyê ev teklîfa wan jî tirsan qebûl kiriye û wiha axivî: "Ji min xwestin ku

ez derbarê ciwanên DTP'î de ka çî dikin, li kû dimînin û bi çî re eleqedar dibin ji wan re bêjim. Her tim çek nîşanî min didan. Gefa mirinê li min dikirin. Ji tirsan min ew daxwaza wan qebûl dikir. Ez diçûm DTP'ê min derbarê wan de agahî ber hev dikirin. Her tim ez dişopandim. Ez gelek poşman im. Ez nexwazim hevalên xwe bidim dest û ez gelek poşman im. Ez şerm dikim li rûyê hevalên xwe binêrim."

## 'Bi zorê ez kirim ajan'

Y. O. jî daxuyand ku 9 meh berî niha li Aydinê bi endamêkî JÎTEM'ê yê bi navê Hasan nasiye û wiha got: "Ez li İnternet kafeyê bûm. Dema ez rabûm pereyê min da û piştê jî derve bi min re axivî. Piştê teklîfa pere ji min re anî xwest ez bi wan re bixebitim. Xwestin ez biçim DTP'ê ji wan re agahiyên binim. Ez demekê li Aydinê çûm DTP'ê û hatim. Min der arê ciwanên li wir de agahî

didan polisan. 9 meh berî niha malbata min ji Aydinê bar kir hate Êlihê. Endamê JÎTEM'ê Hasan li dû min hate Êlihê. Ez bi kesekî din dam nasîn. Xwestin ez li Êlihê ajantiyê bikim. 3 caran pere dan min. Bi tevahî 450 TL dan min. Ji min re gotin 'Te hêj tiştê nekiriye ji bo wê em pere nadin te. Tu baş agahiyên bine em ê her tim pere bidin te'. Min ji wan re got ku ez nexwazim ajantiyê bikim û ez poşmanim. Lê ez bi kuştinê tehdît kirim. Ji tirsan min berdewam kir. Cardin min nexwest ez vî karî bikim lê vî carê li min xistin. Gotin 'Here bi

ciwanan re bikeve nav çalakîyan û piştê jî agahiyên ji me re bîne'. Ji min re gotin ku destûr nadin ez bikevim tu karan û ku ez karek peyda bikim jî dê min derxin. Ez gelek poşmanim. Ez şerm dikim li rûyê mirovan binêrim."

Y. O. diyar kir ku hêj gef li wî tîn kirin û carekê birine Qereqola li Gundê Gilbarajê û gef li wî xwarine. M. O. û Y. O. daxuyandin ku ewlehiya canê wan nemaye û ji bo vî yekê dê serî li ÎHD'ê Êlihê bidin û alikariya hiqûqî bixwazin. Ciwan daxuyandin ku gelek şerm dikin û ji gelê kurd lêborîn xwestin. ÊLİH



## Erdogan talîmata şer da

Piştî Serokomarê Dewleta Tirk Abdullah Gul û Wezîrê Karên Hundir Beşîr Atalay, Serokwezîrê Dewleta Tirk Recep Tayyîp Erdogan jî gelê kurd wekî 'terorîst' îlan kir. Erdogan talîmata şer da hêzên dewletê.

Serokwezîrê Dewleta Tirk Recep Tayyîp Erdogan, gelê kurd ku bi mebesta girankirina tecrîd li hemberî Ocalan şermazar dike; wekî 'terorîst' îlan kir û wiha got: "Hêzên me yên ewlehiyê û dozgerên me li her derê çî pêwîst be dê bikin."

Erdogan di merasîma vekirina Navenda YE'yê de axivî û îdia kir ku pêvajoya hikûmetê daye destpêkirin tê sabotekirin. Erdogan bêyî ku nav bide bersiv da Hevserokê DTP'ê Ahmet Turk û Emîne Aynayê ku gotibûn 'Ocalan ji bo gelê kurd kesayetiyeke girîng e, bêyî wî çareserî nabe'. Erdogan gelê kurd ku ji bo rêberê xwe rabûye ser piyan wekî 'terorîst' DTP jî wekî hêzeke 'provokator' nîşan da.

Erdogan wiha got: "Niha li hin deverên welat komên 'te-

rorîst' bûyeran derdixin. Hincet çî ye? Odeya Ocalan biçûk e. Duh Wezareta Edaletê wêne belav kirin. Ligel vê yekê dîsa jî hin hêzên siyasî ku dixwazin ji van deran rantê bixwin, dixwazin rewşê bi lehê xwe de veguherînin."

Erdogan di dewama gotinên xwe de rasterast gelê kurd nîşan da û wiha got: "Hêzên ewlehiyê yên vî welatî, dozgerên me li ku çî pêwîst be dê bikin." Erdogan gef jî îhmal nekirin û got: "Di vê pêvajoyê de reş û spî dê derbikevin holê." Erdogan di 29'ê adara 2006'ê de jî gotinên bi vê rêzê lêv kiribûn û tê zanîn ku piştî van gotinan, hêzên dewleta tirk li bakurê Kurdistanê teroreke bêsînor meşandibû û bi dehan zarok hatin çetilkirin. Gotinên Dawî yên Erdogan wekî talîmata şer a ji bo hêzên dewletê hatin fêmkirin.

Her wiha di nava hefteyê de Serokomarê Dewleta Tirk Abdullah Gul û Wezîrê Karên Hundir Beşîr Atalay ku di heman demê de koordînatore 'Berlêvekîrîna Çareserîya Pirsgrêka Kurd' e' jî peyamên şer dabûn. STENBOL



# Li her derê çalakî, li her derê pevçûn

Gelê kurd ji bo Rêberê xwe li her derê rabû ser piyan û çalakiyan li dar dixê. Polîsan di serî de li Cizîr û Geverê li gelek deveran êrîşî gel kir û gelek birîndar û binçavkirî hene. Ligel vê yekê çalakî her ku diçe gur dibin

NAVENDA NÛÇEYAN - AMED

DTP'ê ya Şîrnexê ku xwest li navçeya Cizîrê meşekê li dar bixê, rastî mudaxaleya polîsan a bi bombeyên gazê û avê şid hatin û Cizîr vegeyriya qada şer. Li Gevera Colemêrgê zêdetirî 15 hezar kesî komên aşîyê pêşwazîkirin û tecrîda li ser Ocalan şermazar kir. Di encama pevçûnan de gelek birîndar hene. Li Rîha, Semsûr, Bazîd, Nisêbinê û Sêrtê jî gel meşîyan û pevçûnên mezin pêk hatin.

DTP'a Şîrnexê, bi armanca şermazar kirina şert û mercên girtîgehê ya Rêberê Gelê Kurd Abdullah Ocalan, xwest li navçeya Cizîrê meşekê pêk bîne. Ligel şardarên herêmê nêzî 2 hezar kes li ber Ocala Tendûristiyê ya Taxa Cudiyê hatin cem hev û dest bi meşê kirin. Polîsan ku li navçeyê tedbirên ewlehiyê yên berfîreh girtin, dor li navçeyê girtin. Gelekî welatîyan ku ji Şîrnexê xwestin beşdarî meşê bibin jî aliyê qereqolên cendirmeyan ve hatin sekinandin û astengkirin. Welatîyan ku xwestin ji taxên navenda navçeyê beşdarî cihê meşê bibin jî, derketina wan

a jî taxan hate astengkirin. Her wiha komek qeşbalix a li ber Ocala Tendûristiyê hatin cem hev, xwestin ber bi avahiya DTP'ê ve bimeşin. Komê ku dirûsmên dilsoya bi Ocalan re tîne ziman qerîyan, dema gihîşt Kolana Îdîlê, rastî mudaxaleya polîsan hatin. Yekîneyên polîsan, bêyî ku hişyariyê bikin bi bombeyên gazê û avê şid ve mudaxaleyê gel kir. Bi mudaxaleya polîsan re pevçûn derketin. Di encama pevçûnan de Cizîr vegeyriya qada şer.

### Li Rihayê jî mudaxele

DTP'a Rihayê bi armanca şermazar kirina şert û mercên Ocalan ên li Girtîgeha Îmraliyê mitîngek li dar xist. Girseya piştî mitîngê dest bi meşê kirî rastî mudaxaleya polîsan hat. Mudaxaleya li Duryana Îpekçoluyê ya Şehîtlîkê pêk hatî li taxên Bağlarbaşı û Suleymaniyeyê domkir. Di encama mudaxileyê de gelek kes hatin binçavkirin.

### 37 kes hatin binçavkirin

Li Navçeya Bazîdê ya Agiriyê jî esnafan dikanên xwe vekişandin. Bi sedan kesên li ber avahiya DTP'ê civîyan, diruşme-

yên "Bijî Serok Apo", "PKK gele gel li vir e" û "Em dê cihana bêyî Ocalan be ser we de hilweşînin" berz kirin. Girseya ber bi Kolana Mezin a Agiriyê meşîya, rastî mudaxaleya polîsan hat. Çalakvanan li taxên Çevre Yolu, Yenî Mahalleyê û Igdir û kolanan Ehmedî Xanî û İsmail Beşikçi rê li tarfîkê girtin. Di navpera polis û koman de pevçûn derket. Di encama mudaxileyê de haya niha 37 kes hatine binçavkirin. Li navçeya bûyer didomin.

### Qoser û Nisêbin...

Li Navçeya Nisêbinê ya Mêrdînê polîsan mudaxile li çalakiya şevê din hatiye kirin kir û 4 kes binçavkirin. Li Qoserê jî di navbera polis û girseya dixwast bi meşin pevçûn derket 2 kes hatin binçavkirin.

### Kesek bi giranî birîndar e

Komên Çareserîya Demokratîk û Aştîyê yên ji Qendîl û Maxmûrê hatin, li Navçeya Geverê ya Colemêrgê bi 15 hezar kesî re hatin cem hev. Di mitîngê de hate diyar kirin ku lazîme Hikûmeta AKP aqlê xwe bide serê xwe û ancax pirsgrêka kurd bi

muxatabiya Rêberê PKK Abdullah Ocalan çareser bibe. Piştî mitîngê polîsan bi bombeyên gazê mudaxaleyê girseyê kir.

Li navçeya Geverê piştî mitîngê ji bo Komên Çareserîya Demokratîk û Aştîyê hat lidarxistin girseyê dest bi meşê kir. Girse, piştî meşê rastî mudaxaleya polîsan hat û pevçûn derketin. Piştî pevçûnê alozî û bûyer li tavhiya navçeyê belavbûn. Piştî li tevahiya navçeyê çalakî belavbûn, piştî polîsan leşkeran jî mudaxileyê li çalakiya kir. Di encama bûyeran de welatîyê binavê Nizam Kirkagaç bombeya gazê ya ji serê wî ketî bi giranî birîndar bû. Nizam Kirkagaç yê bi giranî birîndar bû rakirine Nexweşxaneyê Dewletê ya Geverê.

### Sêrt bû OHAL...

Bi sedan jin li taxa Seyrantepeyê ya Sêrtê civîyan û girankirina tecrîda li ser Ocalan şermazar kirin. Ciwanên ku li taxên Sêrtê yên Dumlupınar, Ulus, Çal, İnonu, Evren, Afet Evleri û Conbayirê civîyan û bi armanca şermazar kirina girankirina tecrîda li ser Ocalan şermazar bikin, meş li dar xistin.

Ewropayê li Den Haagê jî ciwanên kurd ji bo tecrîd û kirinên li ser Ocalan tîne meşandin şermazar bikin çalakî lidarxistin. Li Londonê kurdan li pêşiya parlamentoyê çadîr wegirtin û li Bordeauxê jî ji bo balê bikînin ser rewşa Ocalan greva birçibûnê hat dest pê kirin. BRUKSEL

## Ji Platforma Demokrasiyê bang

Serokê Şaxa ÎHD'ê ya Mêrdînê Erdal Kuzu li ser navê Platforma Demokrasiyê ya Mêrdînê daxuyaniyek da çapemeniyê û xwest ku di zûtirîn demê de şert û mercên girtîgeha Rêberê Gelê Kurd Abdullah Ocalan lê dimîne, bîn başkirin. Kuzu diyar kir ku mafên xwezayî yên kurdan dibin mijara nîqaşan û ev yek nayê qebûlîkirin. Li Wanê 22 saziyên sivil û civakî, bi heman mebestê daxuyaniyek dan çapemeniyê û xwestin heyetek navneteweyî ku CPT jî di nav de biçin Îmraliyê û lêkolîn bikin.

Platforma Demokrasiyê ya Mêrdînê têkildarî şert û mercên girtîgeha Ocalan lê dimîne û doza girtina DTP'ê daxuyaniyek da çapemeniyê. Di daxuyaniya li Şaxa ÎHD'ê ya Mêrdînê hate dayîn de ligel nûnerên partiyên siyasî, endamên gelek saziyên civakî jî amade bûn. Serokê Şaxa ÎHD'ê ya Mêrdînê Erdal Kuzu li ser navê Platforma Demokrasiyê ya Mêrdînê daxuyaniyek da çapemeniyê û xwest ku di zûtirîn demê de şert û mercên girtîgeha Ocalan lê dimîne, bîn başkirin.

Li Wanê Platforma Demokrasiyê ku ji 22 saziyên sivil û civakî pêk tîne li ber avahiya Turk Telekomê deklaryonek hevbeş weşand. Li ser navê Platforma Demokrasiyê ya Wanê Parêzerê Baroya Wanê Murat Timur, diyar kir ku li Tirkiyeyê politîkayên înkâr û îmhyê ku 85'in didomin dibe sedema aloziyan. Timur, anî ziman ku ji ber pirsgrêka kurd pirsgrêkên siyasî, aborî û civakî jî nayên çaseserkirin û wiha got: "Bi hatina komên aşîyê û pêvajoya bêçakîyê hevîyan gel ên aşîyê zêde bûn. Lê mixabin Hikûmeta AKP'ê di bin avê hewldana çareseriyê de bi CHP û MHP'ê re ket pêşbirga nijadperestiyê. Bi girantirîkirina şert û mercên Îmralî hevîyan hebûn tîk birin. Di demê dawî de li gelek bajarên çalakiyan şermazarkirinê dest pê kirine. Sedema vana tevan şert û mercên Îmraliyê ne. Divê ev yek li ber çavan bê girtin."

Her wiha Platforma Demokrasiyê û Kedê ya Mersînê, pêkufî û girtinê li li hemberî DTP'ê şermazar kir û helwesta AKP'ê şermazarkirin. MERDÎN / WAN

## Ji Êlihê heta Îzmîrê gel rabû ser piyan

Bi sedan kesên li navçeya Çinara Amedê meş li dar xistin, tecrîda li ser Rêberê Gelê Kurd Abdullah Ocalan şermazar kirin. Li Îzmîr û Êlihê jî DTP û saziyên civakî bi tundî tecrîda li ser Ocalan şermazar kir û xwestin ku şert û mercên Ocalan bîn başkirin. Li Semsûrî jî gel meşîya.

DTP'a Êlihê bi armanca şermazarkirina tecrîda li ser Ocalan li avahiya partiyê daxuyaniyek da çapemeniyê. Serokê DTP'a Ahmet Sormaz, Şaredarê Êlihê Nejet Atalay, parlamenterên DTP'ê Ayla Akat Ata, Bengî Yildiz, Şaredarê Hezoyê M. Raşîd Haşîmî, Şaredarê Kerceswê Esat Oner, Şaredarê Bekîrhanê Selahattîn Bulak û hilbijartiyên DTP'ê tev li daxuyaniyê bûn. Serokê Rêxistina DTP'ê Ahmet Sormaz daxuyaniya da çapemeniyê û diyar kir ku ev 11 sale tecrîd li ser Ocalan tîne meşandin û ev yek di demên dawî de zêde kirine.

Sormaz diyar kir ku di bin navê hewldana demokratîk de tîne xwestin ku gelê kurd bê xapandin û wiha got: "Lê gelê kurd bi nerazîbûna xwe helwesta xwe daniye holê. Em ê sibê nerazîbûna xwe bînin ziman û em bang li gelê me dikin ku teva başdarî ve meşê bibin." Parlamenter Yildiz jî diyar kir ku tîkoşîna gelê kurd a azadiyê di encama bedelên mezin de hatiye astek tu caran paşve nakeve.

### Li Çinarê gel meşîyan

Bi sedan kesên li Navçeya Çinara Amedê hatin cem hev bi meşekê tecrîda li ser Ocalan şermazar kirin. Girseya li ber avahiya DTP'ê civiya ber

bi navenda navçeyê ve meşîyan. Girseya pankartên, "Bi Ocalan re aşî bêyî Ocalan felaket e" û "Dest nedin temînata biratiya tirk û kurdan" wekirin û sloganên, "Îradeya me nakeve nav 6 metrekarayan", "Bijî Serok Apo", "Jiyan bi aşîyê, aşîti bi Ocalan re dibe" avêtin.

Komeleya Hevgirî û Alîkariya Malbatên Girtiyana Îzmîrê (TAYD DER) bi heman armançê bi beşdariya Seroka Rêxistina DTP'ê ya Îzmîrê Mukaddes Kubilay, endamên MEYA DER'ê û Înîsiyatîfa Dayikên Aştîyê daxuyaniyek da çapemeniyê. Di civîna li avahiya DTP'ê hate dayîn de hate xwestin ku şert û mercên Ocalan di zûtirîn demê de bîn sererastkirin.

### Li Semsûrî meş...

DTP'a Semsûrê, bi armanca şermazarkirina şert û mercên Rêberê PKK'ê Abdullah Ocalan, ji ber avahiya DTP'ê heta Parka Demokratîyê meşek pêk anî. Di meşê de pankarta "Dest nede nasname û îradeya min a azad" hat vekirin û diruşimên "PKK gel e gel li vir e", "Bijî Serok Apo", "Nêzikatiya ji Ocalan re egera me ya şer û aşîyê ye" û "Em dê cihana bêyî Ocalan bi serê we de hilweşînin" hatin berzîkirin. Piştî meşê Serokê DTP'ê yê Semsûrê Mehmet Doymaz daxuyaniyê xwend. Mehmet Doymaz diyar kir ku wan jî dewlet û hikûmetê nêzikatiyeke çareseriyê hevî dikir lê dewletê politîkayên xapandin û bêcîdîyetê nîşan daye. AMED / ÊLİH / İZMİR / SEMSÜR / DİHA

Kurdên Ewropayê jî li ser piyan in

Li gelek bajarên Ewropayê kurd ji bo rewşa girtîgeha Îmraliyê û tecrîda li ser Rêberê Gelê Kurd Abdullah Ocalan şermazar bikin daketin qadan. Dûhê li Almaniya, Fransa, Holanda, Swîsre û gelek welatînan din kurdan çalakî lidarxistin. Sedan ciwanên kurd ji bo tec-



# 'Pêla xapandinê bi ser neket'

Serokatiya Konseya Rêveber a KCK'ê bi daxuyaniyeke nivîskî wêneyên ku Wezaretê weşandin nixandî û weşandina wêneyan wekî parçeyekî hewldana ji bo xapandina gelê kurd nixand

Serokatiya Konseya Rêveber a Koma Civakên Kurdistanê (KCK) piştî fotografên odeya girtîgeha wekî hucreyekê ku Rêberê Gelê Kurd Abdullah Ocalan tê de tî girtin, hatin weşandin, destnîşan kir ku desthilatdariya AKP'ê û dewleta Tirkîyeyê dixwaze ku raya giştî bixapîne û got: "PKK û gelê me, xwedî biryar e ku ji bo jiyaneke bi rûmet û azad têkoşîna xwe bidomîne. Hoy û merc çî dibin bila bibin, paş de gav avêtin çênabe."

Serokatiya Konseya Rêveber a KCK'ê, destnîşan kir

ku piştî çûna heyeta Îmraliyê û weşandina fotografan, manîdar e û bi armanc e û got: "Ji bo ku kiryarên kirêt û têkbirinê werin veşartin û balê bikişînin ser tiştên din, fotograf hatine belavkirin. Ev jî rûreşîyeke din a desthilatdariya AKP'ê ye."

### Darbeya 17'ê Mijdarê

KCK'ê wiha got: "Piştî darbeya 17'ê mijdarê, Serokatiya me kirin hucreyêke mirinê. Li hemberî ku tevgera me, gelê me kete nava hewldanan û bi têkoşînê xwe dewlet û desthilatdariya

AKP'ê, hişyar kirin ji bi bedêla gavavêtinê dilsozî, Serokomarê Tirkîyeyê Abdullah Gul, daxuyaniyên tehdîtîkirinê dan. Desthilatdariya AKP'ê û medya tirk, helwesta înkâr û jiholêrakirina li hemberî Rêber Apo û gelê kurd diwar kirin. Wezîrê Dadê û Komisyona Mafên Mirovan a Parlamentoyê jî heman helwestê nîşan didin."

KCK'ê destnîşan kir ku Ocalan ne girtîyekî jî rêzê ye û got: "Li hemberî ku Rêber Apo, 11 sal in tenê û di bin teçîda giran de tî girtin jî, rewşa wî ya niha jî,

terkkirina mirinê ye. Dewleta Tirkîyeyê û desthilatdariya AKP'ê bêhtir ji her kesî dizane, ji ber ku ev kiryarê hêdî hêdî jiholêrakirine bi destên wan kete pratîkê."

### AKP tawambar e

KCK'ê wiha dewam kir: "Li hemberî hişyarkirinan teva desthilatdariya AKP'ê û dewletê gelê kurd û DTP'ê gunehkar dike. Serokatiya me, ji bo çareseriyê û ji bo demokratîkbûna Tirkîyeyê bi dilsozî tevgeriya, lê, desthilatdariya AKP'ê û dewleta tirk, ew di odeya mirinê

de bi cih kir. Lê pêwîst e bê zanîn ku ne tevgera me, ne jî gelê me, li hemberî vê bextreşîya kujerî ranaweste."

KCK'ê, destnîşan kir ku heyeta di bin serokatiya Mîdûriyeta Giştî ya Girtîgehên Tirkîyeyê de çû Îmraliyê, bi armanc fotografên girtîgeha Îmraliyê weşandin û tî xwestin ku dijberiya gelê me ya li hemberî kujeriyê bidin rawestandî. AKP û dewleta tirk wê nikaribin gelê me bixapînin û ji têkoşîna dilsoziya bi serokatiya xwe bidin rawestandî. BEHDÎNAN (ANF)



Mizgin Bingol

bingolmizgin@gmail.com

## Dewlet tiliya xwe dike kuna mozan

AKP pakêteke qaşo ya pirsgrêka kurd derxist hemberî raya giştî. Carina hêviyên ku pîrsa kurd dê çareser be geşbûn carina jî weke mirov pîfî fîndekê bike hêvi xew ve çûn. Ev demeke hikûmeta AKP'ê jî bo ku neserketina vî pakêta derewîn bike malê kurdan xwe vîr de diavêje. Ewîl hatina koma aştiyê û pêşwaziya gelê kurd kirin hincet, piştê gera DTP'yan a Îzmîrê ew ê jî îro şûnde jî nerazibûnên kurdan ên ji bo Rêberê Gelê Kurd Abdullah Ocalan bikin hinceta serneketina pakêta xwe. Heger yê ku nivîsên min şopandibin di roja ku mijara pakête derketiye holê vîr ve, ez her dibêjim ev pakêta vala ye. Xweziya ez şaş derketama, lê demê ez mafdar derxistim. Dizanîm heta xalên ku Komara Tirk li ser hatiye damezrandin neyên guhertin, ev sistemê nade pejiwandin û hebûna nixirê wêkheviya gelan a li Tirkîyeyê. Xalên ku yek dewlet, yek mîlet, yek zimani ku Komara Tirkîyeyê diparêze, qeyda guhertinê ku rê bide pejiwandina mafên kurdan e, qeyda lingê dewleta tirk bi xwe ye.

Niha jî carekê ve şertên Ocalan yê girtîgeha Îmraliyê xirab kirin û li ser daxuyaniya Ocalan kurd dake-tîne kolanan. Hikûmeta AKP'ê baş dizane, di mijara Ocalan de kurd hesas in. AKP jî pakêta xwe bê naverok por bike her carê tiştêkî der-xîne pêşîya kurdan. Ji bo ku neserketina xwe bike malê kurdan çî jî destê tî dîke. Hikûmeta AKP'ê tiliya xwe dike kuna mozan.

Kurd nêzikatiyên li hemberî Ocalan weke li hemberî pîrsa xwe qebûl dikin, weke ku pêl li rûmeta wan bê kirin, qebûl dikin. AKP rû û çavên xwe hetikand. Hemû kes dizane ji ber zextên Amerîkayê û zextên jî derveyî Tirkîyeyê ev pakêta derket holê. Amerîka baş dizane heta çareseriyekê jî pîrsa kurd re nebîne nikare siyaseta xwe li başûrê Kurdistanê bi hêsaniyê pêk bîne. PKK, weke tehdîtekê li hemberî xwe dibîne. Bi zextên Amerîkayê bi sedan kadroyên DTP niha di girtîgehê de ne. Ez girtina van DTP'yan weke dil girtine dihesibînim. Van bigirin heta bi pakêta derewîn, bi hinek daxwazên sivik kurdan demêkê bêdeng bikin. Her çiqas em bizanibin gunehê ewropîyan û Amerîkayê di qetilkirin û çewisandina pîrsa kurd de hebe jî divê kurd muxatabên xwe yê esas baş bizanibin. Mebesta min ev e ji bo Rêberê xwe heta dawî bimeşin lê rê nedin ku tirk pîrsa kurd bike ya ewropîyan an jî amerîkiyan. Di wî wari de divê di nerazibûnê xwe yê derveyî Tirkîyeyê bi hişyariyê tevbigirin. Li nava Tirkîyeyê tu hesabê ku kurd bidin tirkan tune.

AKP bi pakête xwe rû û çavên xwe herimand. Wan jî dît mijara kurdan bihostekê di ser wan re ye. Siyasetên derewîn yê li hemberî kurdan a li hemberî rêberê wan Ocalan weke lehî dikare rabe, pakêta wan heta Enqereyê di erdê re kaş bike. Îro hemû kes baş dibînin, girseyeke kurd ku bi şer mezin bûye û girseyeke bi pîrsa kurdan politîze bûye weke hîme kî li nava çavên dewleta tirk dikeve. Dost jî dijmin jî baş dibîne, pîrsa kurd ne ya guhertina navên gundan e ne jî pakêten derewîn e. Heta ku bi muxataban re neyên rûniştin û Ocalan muxatab negirin dê hêj paketên ên ji derewan li nivê rê pîr û pîr biteqin.

## Ji Meclîsa Aştîyê hişyarî

Meclîsa Aştîyê ya Tirkîyeyê bi daxuyaniyeke nivîskî daxwaza xwe ya ji bo başkirina şert û mercên Rêberê Gelê Kurd Abdullah Ocalan anî ziman û bangî hikûmetê kir.

Di daxuyaniyê de hate gotin ku şert û mercên Ocalan hatine girankirin û wiha pê de çû: "Parêzeran bi raya giştî re parve kirin ku rewşa tenduristiya Ocalan her diçe xirabtir dibe. Parêzeran bang li rêxistinên tenduristiye û mafên mirovan û Komisyona Ewropayê ya Şopandina Îşkenceyê kirin ku bila herin û rewşa Ocalan bibînin. Ji van rêxistinên hinekan ji raya giştî re ragihand ku dê ji bo dîtî û nixandîna rewşa Ocalan heyetekê bişînin girtîgehê."

Meclîsa Aştîyê di dewma daxuyaniya xwe de banga ji bo şandina heyetekê kir û wiha got: "Divê ku Hikûmeta AKP'ê li ser banga parêzerên Ocalan û gelê kurd destûr bide ku heyeteke serbixwe biçê girava Îmraliyê û li wê kontrolan bike. Divê ku rewşa rastîna Abdullah Ocalan bi awayekî zelal derkeve holê... Em wekî Meclîsa Aştîyê ya Tirkîyeyê jî hikûmetê re dibêjin her rojê ku tî wîndakirin rewşê girantir dike û fikarên me jî zêdetir dike. Em vî hişyariya jî dewletê re ji bo xwe wekî berpîrsariyekê dibînin." ENQERE



## Gel bi şev û roj li ser piyan e

Polîsên mudaxelayî çalakîyên bi armanca şermazarkirina şert û mercên Rêberê Gelê Kurd Abdullah Ocalan pêk hatin, kir, li Wanê 13 kes hildan binçavkirin.

Li taxên Hacibekîr, Yenimahalle, Yuniplîk, Suphan, Akkopru, Xaçort, Karşiyaka û Duz-yolê bi hezaran kes bi armanca şermazarkirina şert û mercên Ocalan çalakî li darxistin. Komên li taxên Yuniplîk û Suphanê hatin cem hev rê li trafikê girtin. Polîsan mudaxelayî komê kir, bersiva ci-

wana na bi keviran hat. Polîsan di mudahaleyê de bombeyên gazê, panzer û ava şidayî bikar anî. Di pevçûnan de 10 kes hatin binçavkirin.

Li taxên Yenimahalle û Karşiyakayê jî komê hatin cem hev kevir avêtin. Qereqola Polîsan a Çakîr. Li Duz-yolê û Akkopruyê jî bi sedan kes meşên bi meşaleyî pêk anîn. Li taxa Akkopruyê polîsan mudaxelayî girseyê kir. Li ser bersiva girseyê ya bi keviran demêk dirê di nav kuçeyan de pevçûn derketin.

Li kolanan Bayîrlî û Dereyê yê taxa Hacibekîrê jî komên giliştin cem hev, ber bi Qışlaya Leşkerî ya Hacibekîrê ve meşîyan. Polîsan mudahaleyî girseyê kir û ciwanan bi keviran bersiv da. Li taxên Duzyol û Seyrantepeyê zêdiyî 2 hezar kesên hatin cem hev bi meşaleyan meşîyan. Polîsên gul berdan hewa, mudahaleyî girseyê kir. Girseyê jî bi keviran bersiv da bombeyên gazê û ava şidayî. Girseyê rîya Wan-Erdişê jî trafikê re girt. Li navçeya Çaldîranê

ya Wanê li taxa Fatîhê jî meş hate li darxistin. Polîs û cerdevanan mudaxelayî meşê kir. Polîsên bi bombeyên gazê, ava şidayî û panzeran mudahaleyî girseyê kir, rastî bersiva bi kevir hat. Çalakgerên camên mala qaymeqam û cerdevanan re ketin pevçûnê. Di vî navberê de nûçegihanê Rojnameya Haber a Çardêranê Kerem Koç jî rastî lédana polîsan hat. Hate zanîn ku cerdevan E. K. Koç wekî hedef nîşan daye. WAN

## Li Efîrlîyê jî bo Ocalan girev

Li Girtîgeha Tîpa E ya Efîrlî ya Orduyê 2 girtîyan, bi armanca şert û mercên Ocalan şermazar bikin, dest bi gireva birçibûnê ya bêdem kir. Piştî Rêberê Gelê Kurd Abdullah Ocalan di 17'ê mijdarê de neqlî girtîgeha Ewlehiya wê

Bilind a Tîpa F a Îmralî hate kirin û hucreya wî jî 12 metreyan daxistin 6 metreyan çalakî her ku diçin zêde dibin. Li Girtîgeha Tîpa E ya Efîrlî ya Orduyê jî 2 hikumxarên bi navê Zeynettîn Yavuz û Turgut Ko-

yuncu bi armanca şert û mercên Rêberê PKK'ê Abdullah Ocalan şermazar bikin, dest bi gireva birçibûnê ya bêdem kir. Her wiha 2 girtiyên din jî bi haman armancê dest bi gireva birçibûnê ya bêdem û dorveger kirin. ENQERE

## Dêrsimîyan ew hembêz kirin

Ger û geşa Komên Çareserîya Demokratîk û Aştîyê yê banga Ocalan jî Qendîl û Mexmûrê hatin Tirkîyeyê li Dêrsimê didomin. Endamên Komên Qendîl û Mexmûrê Mehmet Şerîf Gençdal, Lutfu Taş, Niha-yet Yakut, Şoreş Yaman, Mustafa Orhan, Sosin Yaman û Endama l'emîn Koma Aştîyê Aygul Bîdav li Salona Konferansê ya Şaredariyê civîna çape-meniye pêk anî. Di civînê de nûner û rêveberên partiyên siyasiyê sazîyên sivil jî amade bûn. Serokê DTP'a Dêrsimê Veli Haydar Guleç, helwesta darazê ya daxwaza girtina DTP'ê şermazar kir û anî ziman ku bi vî yekê dixwazin ji nava siyaseta dîr bixin. Berdevkê Koma Qendîlê Mehmet Şerîf Gençdal, axivî û diyar kir ku ew li Dêrsimê bi germahîyê mezîna hatine pêşwazîkirin Gençdal, da zanîn ku gelê Dêrsimê li aştiyê xwedî derket. DÊRSİM

## Li Cizîr, Hezex, Sîlopî û Bazidê esnafan dikan venekirin

Li navçeyên Hezex, Cizîr û Sîlopî yê Şînexê û navçeya Bazidê ya Agirî, esnafan bi armanca şermazarkirina şert û mercên Ocalan dikanên xwe venekirin. Li Hezexê polîsan hin dikan tahrîp kirin. Li navçeyên Hezex, Cizîr û Sîlopîyê esnafan bi armanca şermazarkirina şert û mercên Ocalan neçûn ser kar û dikanên xwe venekirin. Li navçeya

Cizîrê polîsan li hemû kolanan ekîb bi cih kirin û ewlehiyek berfireh girt. Li navçeya Bazidê ya Agirî jî esnafan bi heman armancê dikanên xwe venekirin û neçûn ser kar. Li navçeya Hezexê şevê din bi sedan ciwan li navenda navçeyê meşek pêk anî û dirûşmên "PKK gel e, gel li vîr e" "Deste dirêjî Ocalan dibin dê bişkên", "Bijî PKK", "Bijî Serok

Apo" berz kirin. Piştî polîsan mudaxelayî komê kirin ciwan dinava kolanan de belav bûn. Piştî çalakîyê polîsan kepengên gelek di-

kanan şikandin. Her wiha li navçeya Geverê ya Colemêrgê jî dikandaran kepengên dikanên xwe venekirin. ŞÎRNEX / AGIRÎ





# Bazara Erdogan PKK ye!

## Fikara ji Tirkîyeyê

**KOMA** Dostaniya Tirkîyeyê ya Meclîsa Nûneran a Dewletên Yekbûyî yê Amerîkayê (DYA) bang li Tirkîyeyê kir da ku li dijî politîka Îranê ya der barê nukleerê de ligel DYA û civaka navneteweyî cih bigire.

Di daxuyaniya ser navê komê de pesnê têkiliyên Tirkîyeyê-DYA'yê hat dayîn. Hat gotin ku têkiliya Tirkîyeyê-DYA'yê ji mîjê ve ye û stratejîk e.

Komê serdana Serokdewletê Tirk Tayyîp Erdogan a Washingtonê ji bo lipêxistina aborî, siyaset û ewlehiyê wek derfetekê destnîşan kir û ji Erdogan xwest ku vê derfetê baş bi kar bîne.

Komê ji bo mîsyona Tirkîyeyê ya Afganistan û Iraqê jî erênî nixand û piştigiriya xwe ya ji bo normalîzekirina têkiliyên Tirkîyeyê-Ûrmenistanê desteka xwe da.

Di Koma Dostaniya Tirkîyeyê û DYAYê de 100 parlamenter cih digirin. Beriya serdanên wisa yê Tirkîyeyê dest bi lobiye dikin da ku şert û mercên siyasî li gor berjewendiyên Tirkîyeyê birêxistin bikin. Di vê lobiye de fikara herî mezin ya komê ev e ku Tirkîyeyê li dijî politîkayên nukleera Îranê cih bigire. Heke pêvajoyek wisa rû bide dê nav Tirkîyeyê û DYAYê aloz bibe ku ev koma dostaniyê hewl dide ku ji niha ve pêşî li vê bigire. WASHINGTON

Sibê serdana Serokwezîrê Tirk Erdogan a Washingtonê dest pê dike. Hemû daneyên heyî destnîşan dikin ku di vê serdanê de mijarên wek Afganistan, Îran û hevkarîya gemar a Tirkîyeyê û DYAYê ya li dijî PKK'ê dê bibe bazara nav Erdogan û Obama

Serdana Serokwezîrê Tirkîyeyê Recep Tayyîp Erdogan a Washingtonê sibê dest pê dike. Di vê serdanê çend mijarên esasî hene. Di nav vana de mijara Afganistan û Îranê ji bo Amerîkayê pir girîng e û ji bo Tirkîyeyê jî mijara PKK'ê. Ji ber vê jî ev serdan pirtir ji van aliyan ve bi baldarî tê şapandin.

Berîya ku serdana Erdogan dest pê bike Amerîkayê bi awayekî aşkera ji Tirkîyeyê daxwaza leşkeran kir. Hem sefirê Dewletên Yekbûyî yê Amerîkayê (DYA) yê Enqerêyê û Wezîra Karên Derve ya Amerîkayê Hillary Clintonê jî Tirkîyeyê xwestin ku ji bo şerê Afganistanê leşker bişîne.

Li ser vê hin daxuyaniyê jî Tirkîyeyê jî hatin dayîn. Di van daxuyaniyan de li dijî sandina leşkeran tu kesî tiştê negot. Di hemû daxuyaniyan de ji bo qadên şer rezerv hatin danin. Hat gotin: "Bila leşker biçin lê di qadên şer de li dijî millîtanên Talîbanê nekevin şer. Tenê li waregehên navendî yê wek Qabilê peywirê bikin.

Di vê der barê de daxuyaniya Wezîrê Parastina Tirkîyeyê Vejdî Gonul û Hikmet Çetin ku demên borî de li Afganistanê wek waliyên dagirker peywir kir balkêş bûn. Her du daxuyaniyê jî wek hev bû û fikarên ji bo şer

şandina leşkeran dianî ziman.

Ev jî di nav xwe de bersivêke erênîye. Ne ji bo qadên şer lê ji bo peywira navendî şandina leşkerên tirk pesend dike.

Bi van daxuyaniyan raya giştî ya tirk jî hat aştkirin. Wek ku vaye 'hikûmet leşker naşîne şer lê ji bo peywirê dişîne Afganistanê' derket pêş.

### Helwesta rayedarên DYAYê

Rayedarên DYAYê ev daxuyaniyê maqûl binav kirin. Li ser mijarê

Şewirmendê Ewlehiya Nete-weyî ya Amerîkayê Orgeneral James Jones daxuyaniyê da. Diyar kir ku DYA biryara Tirkîyeyê erênî pêşwazî dike.

### Stratejiya Obama ya nû

Serokdewletê DYAYê Barack Obama di nav hefteya borî de stratejiya nû ya Afganistanê aşkera kir. Di stratejiyê de tê xwestin ku ji bo şerê li Afganistanê 33 hezar leşkerên nû bînin şandin. Di çarçoveya stratejiya şer a nû de ji endamên NATO'yê jî tê xwestin ku ji bo şer leşker bînin şandin. Ji bo vê 25 welatên endamên NATO'yê qewlê şandina 700 hezar leşkerî dan.

### Rûyê qirêjê bazarê

Mijara herî esasî bazara

li ser PKK'ê ye. Erdogan beriya ku biçê li dijî Serokê Gelê Kurd Abdullah Ocalan êriş dest pê kir. Li ser navê başkirina cihê Ocalan hucreyek ku wek birekê ye hat çêkirin û ew kirin wê. Kurd rabûn ser piyan.

Lê ji ber ku beriya serdana Erdogan ev tişt pêk hat pirtir bal kişand ser xwe û bazara li ser PKK'ê ya nav Tirkîyeyê û DYAYê.

### Di ser Îranê de bazar

Çawan ku DYA dixwaze li Afganistanê destê xwe xurt

bike, Tirkîyeyê jî dixwaze li dijî PKK'ê desteka Amerîkayê ya fiilî bigire. Her wiha komîta sêalî ya ji tirk, amerîkî û iraqîyan pêk tê amadekarî dikin ku biçin kampa Mexmûrê da ku penaberên kurd aştkirin û ji bo vegeerê amade bikin.

Dan û standinên bi vî rengî nav her du welatan jî nêz ve tê şopandin. Di vê çarçoveyê de politîkayên Tirkîyeyê yê li ser Îranê jî di nav vê hevkarîya gemar de tê nixandin. DYA ji bo Tirkîyeyê nede Îranê bazara li ser PKK'ê zêdetir derdixe pêş.

Ew bi nixandin û analîzên xwe dixwazin bala Tirkîyeyê bikişînin. Li gor analîz û nixandinan hevkarîya Tirkîyeyê ya li dijî PKK'ê bi giştî gelê kurd xizmetî çareseriyê nake. Didin zanîn ku berjewendiyên gelê tirk û kurd bi giştî berjewendiyên herêmê ya aştiyê bi hevkarîya kurdan û tirkan pêkan e. Diyaloga çareseriyê wisa ya ji bo aştiyê jî di nav PKK û hikûmeta tirk de pêkan e.

Di rewşa heyî de li Afganistanê hezar û 750'î leşkerên tirk hene û Tirkîyeyê jî Femandariya Herêma Qabilê ya Hêza Alîkariya Ewlehiya Neteweyî ya Afganistanê (ISAF) dike. AMED



## Li Everestê civîna balkêş

Hikûmeta Nepalê bo ku bal bikişîne ser bandora germahiya avhewayê ya li ser Himalayayan civîna desteya wezîran ya hikûmetê li çiyayê Everestê çêkir.

Civîna di bin serokatiya Serokwezîrê Nepalê Madhav Kumar de dest pê kir. Desteya wezîrên Nepayê di danîşîna li Everestê de belgeya bandora germahiya avhewayê ya li ser Himalayan hat erêkirin.

Serokwezîr û Desteya Wezîran maskeya Oksîjenê û paltoyên qalind li xwe kirin û çûn civînê. Ji bo civînê 20 wezîr bi helikopterê çûn bilindîya 5 hezar û 242 metreyan. Wezîran di rasteya ku bi navê Kalapathar tê zanîn di binê hewayê çeqayî de dest bi civînê kirin.

Cihê navborî wek kampa destpêkê ya esasî ku çiyager ji wê dest bi rêwîtiya Everestê dikin bi kar tê.

Li Nepalê 8 lûtkeyên bilind hene ku di nav 14 lûtkeyên bilind ên cîhanê de cih digirin. Ji ber vê jî Nepal wek wergeha çiyagerên cîhanê û qiblageha turîstan tê qebûlkirin. Nepal ji bo hawirdorê û germahiya avhewayê pir hasas tevdiqere. Ji ber vê jî pir baldar nêzikê gaza serayê dibê. Nepal tenê ji ber jî sedî 0,025ê gaza serayê ya nav atmosferê berpîrs e.

### Di bin avê de civîneke baldar

Hikûmet û derdorên baldar hasas bo ku balê bikişînin ser mijara germahiya avhewayê û

mijarê pirtir bixîna rojeva cîhanê gavên balkêş diavêjin. Hikûmeta Maldivler jî ji bo vê baldariyê civîna xwe di bin avê de çêkiribû.

Pispor diyar dikin ku ji ber germahiya avhewayê ya cîhanê di nav 50'î salên pêş de qeşayên Himalayan yê wek çavkaniya 10 rûbarên Asyayê tînan zanîn ji holê rakin.

Wezîrê Daristanê Deepak Bohara di serê hefteyê de li ser mijarê daxuyaniyê da. Di daxuyaniyê de destnîşan kir ku mirovahî cezayê ku bi bedelê xwe pêk aniyê dikişîne. Wezîr xwest ku welatên pêşketî ji bo germahiya avhewa û bandora xwe ya li ser Himalayan alîkariya zêde bidin. SYANGBOCHE



## Di qulûba şevî de teqîn: 102 mirî

Li bajarê Perm a Rûsyayê di qulûbeke şevî de teqîn pêk hat û 102 kesî jiyana xwe ji dest dan. Hezar û 200 kîlometra li rojhilatê paytexta Rûsyayê Moskowayê li nêzî çiyayên Uralê di qulûba şevî de teqîn pêk hat. Teqîn di saet 22.15'ê şevî de çêbû û 102 kesî jiyana xwe ji dest dan. Ji ber teqîna qulûba şevî jî 140 kes jî birîndar bûn.

Li ser mijarê Wezîrê Rewşa Awarte ya Rûsyayê daxuyaniyê da. Di daxuyaniyê de diyar kir ku têkiliya teqînê bi terorê re nîn e.

Bi teqînê re di nav qulûbê de aloziyêke mezin dertê û pirtirê miriyan ji ber gaza karbonmonoksît jiyana xwe ji dest didin.

Serokdewletê Rûsyayê Dîmîtrî Medvedev û Serokwezîrê Rûsyayê Vîladîmîr Pûtîn der barê mijarê de jî rayedaran agahî girtin.

Heftêyek berê jî li Moskowayê trênek ji ber sabotajê jî rê derket û bi dehan kes hatin kuştin û rêxistînek oldar sabotaj girt ser xwe. Ji ber bûyerên wisa di nav raya giştî de nêzikatiyên şikbar rû dide. MOSKOW

## Plana çalakiyên 5 salan a anti-mayinan

Di Konferansa Revîzyona Peymana Ottowayê ya Dûyemîn a mayînen anti-personel de planan çalakiya 5 salan derket holê û alîkariya 500 hezar mexdûrên mayîne bê kirin.

Civîna yekemîn ya Revîzîzerîna Peymana Ottowayê ya miyînen anti-personel (ICBL) di sala 1999'an de li Norveçê û a duyemîn jî li bajarê Cartagena ya Kolombiyayê roja îro çêbû.

### Qewlê dewletan nîn e!

Midureya ICBL'ê Sylvie Bri-got li ser mijarê daxuyaniyê da. Diyar kir ku biryar hat girtin planek şênber e û li gorî berjewendiyên cîhanê xwedî nexşerîya çalakiyê ye. Hat gotin ku konferansê hinek şaşwaz hiştin. Dihat gotin ku Konferansê dê nikaribe encamêkê derxe. Lê wisa nebû. Konferansê bi biryarên girîng bi dawî bû. Bri-gotê da zanîn ku welatên alîgir bê ku tavîz bidin helwest nîşan dan. Lê delegasyonê Mîsîrê Ayman Sorur hê bi hasas peyivî û wiha pêde çû: "Ev tenê biryarên siyasîne. Em di vê mereheleyê de nizanin ku dê dewletên alîgir destekê bidin kujan biryar."

Piştigiriya malî pir lawaz e Tê gotin ku ji bo piştigiri-

riya malî welatên ku qewlê xwe didin pêk nayînin. Di nav 5 salan de ji Awustralyayê jî bo bernamêyên mayîna 91 milyon dolar soz dabû, Hollanda di dusalan de 30 milyon ewro alîkarî daye.

### 2,5 milyon mayîn

Di rapora meha kanûnê ya ICBL'ê de ji sala 1999'an û şûn ve wan li cîhanê 2,2 milyon mayînen anti-personel û bi qasî 250 hezar mayînen we-sayîtan paxij kirine.

### 4 Welat paqij kirin

Li gor çarçoveya ku hat aşkerakirin li 86 welatan stoqên mayînen anti-personel hatine îmhakirin. Li Rûsyayê û Burmayê mayînen anti-personel bikar tên. Ji sala 1999'an û şûn ve li li Arnavutluk, Yewnanistan, Rûanda û Zambiyayê bi giştî hat paqijkirin

### Li Tirkîyeyê milyonek

Tirkîyeyê ligel ku peymanê mohr kiriyê jî Hewildana Em Tirkîyeyê bê Mayîn Dixwazin diyar kir ku milyonak mayînen candî yê anti-personel û 3 milyon mayînen stok kirî li Tirkîyeyê hene. Ev mayîn jî pirtir li kurdistanê li dijî kurdan û gerilayên PKK'ê hatine çandin. CARTAGENE



# Ji bo Celalyanê faksan bişînin

## Rejîma paşverû ya Îranê bi darizandineke 5 deqeyan ceza li Ceynep Celalyan birî. Jinên demokrat ên li Tirkîyeyê jî di çarçoveya çalakiyên piştgiriya Celalyan de, ketin nav hewldanan

Platforma Jinan a Enqereyê banga piştgiriya çalakiya faksan a ji bo jina kurd Zeynep Celalyan ku Îranê cezayê îdamê lê biriyê, daye destpêkirin, kir. Jinan xwest ku faks ji Seferatxaneyê Îranê û saziyên din ên rayedar re bîn şandin.

Rejîma Îranê ku di demên dawî de cezayê îdamê da gelek kurdan, bi darizandineke 5 deqeyan ceza li Ceynep Celalyan birî. Jinên demokrat ên li Tirkîyeyê jî di çarçoveya çalakiyên piştgiriya Celalyan de, ketin nav hewldanan. Jinan piştgiriyeke mezin dan kampanyaya înzeyan a di asta navneteweyî de hatiye destpêkirin. Platforma Jinan a Enqereyê jî ku bi armanca astengkirina îdamên li Îranê,

duh ji bo Celalyan û hemû girtiyên din ên bi îdamê hatine cezakirin, çalakiya şandina faksan da destpêkirin. Jinan xwest ku her kes faksan bikişîne Seferatxaneyê Îranê û saziyên din ên rayedar.

### Bangawaziya piştgiriye

Parêzer Dîren Cevahîr Şen, diyar kir ku Celalyan niha li benda îdamkirinê ye û ev yek jî bo jinan rewşeke gelek xirab û xeter e. Şen wiha axivî: "Pergala Îranê ya paşverû û hişk bawer her roj bi dehan kesan îdam dike. Zeynep jî ji van yek e. Ez bang li hemû jinên Tirkîyeyî dikim ku piştgiriye bidin Celalyan û ji Seferatxaneyê Îranê û saziyên din ên rayedar ên Îranê û navneteweyî re

faksan bişînin. Em li cem Celalyan in. Heta îdamê wê bê rawestandî em wekî Platforma Jinan a Enqereyê dê bixebitin."

Endama Lijneya Rêveberiya Navendî ya Halkevleriyê Dîlşad Aktaş jî diyar kir ku ji bo azadiya Celalyan û girtiyên din ên bi îdamê hatine cezakirin, çî pêwîst be dê bikin. Aktaş wiha axivî: "Celalyan niha tevahiya girtiyan temsîl dike. Daxwazame jî di şexsê Celalyan de ji bo hemû girtiyan e. Em vê azadiyê jî bo endamên DOKH'ê ên girtine jî dixwazin. Ji bo vê yekê çalakiya me ya şandina faksan didomin."

**Bêdarizandin îdam birin**  
Mamosteya teqawît Deniz

Beydilli jî ev tişt gotin: "Jinek kurd a 27 salî niha li benda îdamê ye. Ji ber ku jinek kurd de bêyî sîc cezayê îdamê lê hatiye birin. Lazim e tevahiya jinên cihanê xwedî li Celalyan derkevin. Di vê mijarê de çî pêwîst be divê bê kirin." Cigira Seroka DTP'ê ya Enqereyê Songul Çelik jî rejîma Îranê ya paşverû bi tundî şermezar kir û wiha domand: "Nêzikatiya dewleta paşverû ya li hemberî kurdan gelek dijwar e. Dadgehên îdamê li Îranê hatine avakirin. Lazim e herkes faksan bikişîne Seferatxaneyê Îranê." Celalyan di sala 2008'an de li bajarê Kîrmanşahê hate girtin û bêyî darizandin bi sedema endamtiya PJAK'ê îdam lê hate birin. ENQERE



Mizgin Ronak

## Bextewarî

Barana pêşin li kulîlkên paşin dibare. Şil in êdî, dicemidin. Belgên wan ên rengeng melûl bûne bi dilpên baranê. Hesta bidawîbûnê bi mirov re didin çêkirin, hesta xilasbûna çirokan...

Bidawîbûna çirokan, vê yekê rewşa me ya niha anî bira min. Çawa? Wiha: dewlet jî niha piştî neçarmana pejirandina vîn û têkoşina me, dest avêt 'rêbaza çareseriyê'. Ango dewlet niha dixwaze vê çirokê êdî bi dawî bike. Lê baş tê ditin ku dixwaze 'dawiyeke' li gor xwe, li gor dirok û berjewendiyên xwe çêbike. Minak: tevgera azadiyê vîna azadiyê li derve bihêle. Paşê beje çirok bi dawî bû, filmek nû dest pê kir, haydê temaşe bikin! Rabin rûnî û şukir bikin. Li TRT 6'ê temaşe bikin, bi "Yaşayan Diller Enstitüsü" (icar ew jî me kêm bû) kêfxweş bibin. Heyrana Fethulah Gulen bibin. Helbet em nabêjin ku sedî sed wiha dibêjin, lê daxwaz ev e. Jixwe ne mimkûn e ku dewlet çareseriyek rast û durîst bixwaze. Ji ber ku divê jî dewletbûnê derkeve!

Di vê meselê de rista girîng dîsa ya me kurdan e û jixwe helwesta me ya rast û zelal li holê ye. Lê dîsa jî divê em wek yekeyek kurdan xwe jî "nexşeya rê" re amade bikin. Lewre pêvajoyên çareseriyê, yên şemîtin û şemîtandinê ne jî. Divê ku mirov şiyar, amade û zîrek be. Her wiha civak û kesên wek yên me, ji ber travmayên ku bi her awê hatine jiyîn, piştî çareseriyên di valahiyên de mane, dimînin. Ji ber vê yekê divê em dest jî têkoşeriyê bernedin, da ku valahiya daqurtok di derûnî û jiyana me de çênebin. Çirok û diroka xwe jibîr nekî, zanibin ku kî ne û jî ku hatine. Lewre pêşeroj, jiyaneke nû û bextewar, anca li ser bingeha zanîna paşerojê ava dibe. Wek ku pêşiyên me gotine; "her giya li ser koka xwe şin dibe" divê em jî "li ser koka xwe şin werin" koka me ya ku ji Medya digihîje Merwaniyan, jî wan digihîje Geliyê Zilan, Ararat û Dêrsimê, paşê digihîje Mazlûm, Egîr, Bêritan û Zilan! Jixwe serdest timî dixwazin hesta bêwatebûn û tewşbûnê bi me re çêbikin. Wekî ku her tişt, tekoşîn û nîrxên şexsî û civakî bêwate bin, 'demode' bin. Lê ku mirov li ser koka xwe şin bê tu hêz nikare hestek wisa dijber bi mirov re çê bike. Loma jî çareserî, teqez serxwebûn û xwebûna kesî û civakî dixwazin. Ku ew serxwebûn û xwebûna mirov, her û her zelal û ronak e, bextewar û lêgerîne e. Dev ji tekoşeriyê ronahiyê bernade.

Li vê derê em dikarin li mijara bextewariyê jî binêrin. Bêguman bextewarî mafê her kurdeki/ê ye jî. Dema ku pakrewanên me canê xwe feda kirin jî gotin: "me neditê gelê me bibîne, em bextewar nebûn, lê ew ê bibînin, ev bes e!" Ango daxwaza wan jî bextewariya me ye. Jixwe tevî janên ku hatin jiyîn jî bingeha bextewariyê ne. Carna pîrsa "ma kurd dê tim bi êş, jan û kefenan werin rojevê, dê rojên bextewar nebînin?" tê ser zimanê me. Lê em dizanin ku bersiv na ye. Ango dê kurd jî bigihîjin aştî û bextewariyê. Wê demê dê dewlet hazir û nazir bin û bêjin; "binêrin, way hûn gihîştin bextewariyê jî. Ji çol û çiyayan, ji zindan û kolanan, rizgar bûn, êdî tiştên berê neynin bira xwe." Lê em ê bersivên rast bidin wan û bextewariya xwe li erdnigariya xwe ya serbilind binexşînin. Zanibin ku ew bextewarî jî ne bi xêra kesî/ê hatiye hêmatê, ew bi xwe jî dewama çiroka janên me ye.

Barana pêşin li kulîlkên paşin yê haviyê dibare. Her der û her tişt şil e. Em kulîlkên janê, berxwedan û bextewariyê ne. Baran bi ser me de jî dibare. Lê em dizanin ku barana payîzê jî ji baharê dibare. Lewre em kulîlk in û li ser koka xwe şin hatine.

## Polîsên jin ên Silêmaniyê bêzar in!

Silêmanî yekem bajar bû ku di destpêka sala 2003'an de li Iraq û Kurdistanê cara pêşî jinên polis û hêzên ewlekariyê anîn ser kolanan. Niha 94 jin wek polis û karmendên trafikê li Rêveberiya Trafika Silêmaniyê kar dikin. 12 efser, 31 wekî û 26 fermanber in. Lê hejmara polîsên jin her diçe kêm dibe.

Çira Ehmed Lutfî yekem polîsa jin a trafikê ye û ji aliyê piraniya şofêrên Silêmaniyê bi navê "Polîsa Por Zer" tê naskirin. Çira Ehmed serbilind e ku li Silêmaniyê biyê yekem polîsa jin û wiha got: "Dema min ev kar kir gelek kesan destxweşiya min kirin, lê hinek kesan jî qiseloq avêtin min." Çira ku niha efserê û dîstêrên polîsên trafikê li ser milê wê ne, li Beşê Yasayî yê Rêveberiya Trafika Silêmaniyê kar dike.

Ji Rêveberiya Trafika Silêmaniyê Sertîp Bextyar Mihemed wiha dirêjî dan axaftina xwe: "Kêmbûna polîsên jin ên li kolanan ne bi awayekî yekcarî ye. Karê karmendên me ne tenê rêxistina çûnûhatina ser kolanan e, lê di beşê tomarkirinê de jî kar dikin. Kêmbûna jinan ne bi biryareke fermî ve girêdayî ye, peywendiya vê bi cesareta polîsên jin ên trafikê ve heye ku em amade ne dakevin kolanan."

Soran Mihemedê 24 salî li Silêmaniyê şofêrê taksîyê ye; ewqasî jî polîsên mîr ên trafikê tirsîyê ku niha kêfa wî bi dîtina polîsên jin tê wiha axaftina xwe dom kir: "Dema polîseke jin a trafikê dibînim kêfa min tê, ji ber ez jî ajotina otombîlê pir hez dikim û ew jî li hinek bînpêkirinên me diborin." Soran Mihemed di de zanî ku kêmbûna polîsên jin li kolanan jî ber paşketina civaka kurd û pirsgirêkên civakî ye. Karmenda trafikê Ejîn Hesên Salîh diyar kir ku tekez dike ew ne amade ye here kolanan û vî ne baş binav dike û wiha axaftina xwe bidawî tîne: "Dibe ku dîtina me li kolanan bandorê li proseya mîrkirinê jî bike. Civaka me van karan qebûl nake. Xelk dîtina jinan li kolanan wek karekî xirab dibîne, her wiha bi heman nerînê berê xwe didin polîsên jin ên trafikê." SILÊMANÎ (Rûdawnet)

## 'Bila Îmralî bê girtin'

Meclîsa Jinan a DTP'ê bi daxuyaniyê nivîskî bal kişand ser rewşa Rêberê Gelê Kurd Abdullah Ocalan û got ku divê girtîgeha Îmralî bê girtin, her wiha jî Ocalan re azadî xwastin.

Di daxuyaniya xwe de da zanî ku Tirkîye di rewşeke krîtîk de derbas dibe, di çareseriyê pirsgirêkê kurd, bêçalakbûna PKK'ê û nexşerêya Ocalan hêviyên aştîyê bilind kiribûn û daxuyaniya wiha dom kir: "Hikûmeta AKP'ê li hemberî wan helwestan politîkayên xapandinê bêtir xurt kir. Rêbazên tasfiyeyê ya AKP, CHP û MHP jî hev cuda ne. Lê heke hi-

kûmet ew pirsgirêka çareser bikira rewşa CHP û MHP'ê ne wisa dibû. Kurd her tim agahiya wan jî vê rewşê hebû. Lê ji bo aştîyê dîsa fedekariyê mezin kirin. Grûba aştîyê li dijî xitmandina siyasî hatin Tirkîyeyê. Lê hikûmeta AKP'ê helwesta xwe ya nijadperestiyê li Îzmîrê nîşan da."

Meclîsa Jinan a DTP'ê di daxuyaniya xwe de qala sererastkirina rewşa Ocalan kir. Meclîs di daxuyaniya xwe de diyar kir ku Ocalan muxatab û vîna siyasî ya kurdan e. Di daxuyaniyê de hate gotin ku birêz Ocalan di 6 metrekareyê de hate bicîhkirin û vî tiştî wekî 'Çala

Mirinê' dinirxînin û daxuyaniya wiha dom kir: "Divê hikûmeta AKP'ê û dewlet hesasiyeta kurdan ber çavan bigire. Bi wê helwestê niyet û nêzikatiya xwe nîşan dan. Ev tişt bû bersiva aştîyê. AKP listîkeke gelek xetera dileyize."

Di daxuyaniyê de hate destnîşankirin ku jin û gelê kurd jî bo girtina girtîgeha Îmraliyê û azadiya Rêberê Gelê Kurd Abdullah Ocalan li kolanan daxwazên xwe tînin ziman û dî binî ziman jî. Meclîsa Jinan a DTP'ê di dawîya daxuyaniya xwe de daxuyand ku divê hikûmeta AKP'ê li hemberî gelê kurd û dest jî dek û dolaban berde. ENQERE

## Cara 245'ê ye ew li windayan dipirsin

Dayikên Şemiyê di hefteya 245'an de jî bi armanca balkişandina ser aqûbeta kesên ji hêla dewletê ve di binçavan de hatine windakirin li qada Galatasarayê civiyên. Dayikan pankarta, "Kujer kişî in winda li ku ne?" vekir, wênayên windayan hildan. Dayi-

kan di lihevhatina her hefteyekê serpêhatiya windayekê vedibêjin, kulîlkên kesk, sor û zer bi xwe re anîn.

Xizmên windayîyan 245 caran li qada Galatasarayê aqûbeta windayîyên xwe pirsin. Wê hefte aqûbeta Huseyîn Taşkaya hate pirsîn. Taşkaya

di sala 1995'an de piştî ku mal derket êdî tu agahî jê nehate girtin.

Dayikên Şemiyê 14 sal in jî bo aqûbeta xizmên xwe di nav lêgerînê de ne, xizmên windayîyan daxwaz dikin ku kesên berpîrsiyarî van windayîyan e bîn girtin û bîne darizandin.

Dayikan diyar kir ku her roj belgeyek derdikeve û fikarên wan rast derdixe. Her wiha di çalakiya rûniştina Dayikên Şemiyê de qala pêvajoyê hate kirin û hate destnîşankirin ku partiyên pergale bi navê demokratîkbûnê tasfiyeyê pêş dixin. STENBOL







# Pêkanînên Îmraliyê tu caran li gorî zagonê nebûn

Ocalan 11 sal in di bin tecrîdeke giran de ye. Mafê sohbetê, mafê ragihandinê, mafê axaftina bi malbat û xizman re heta niha bi awayekî bêdadî hate astengkirin û heta niha 16 cezayê dîsîplînê lê hatin birîn

Ligel ku Wezaretê Dadê idia dike ku Girtîgeha Îmraliyê li gorî standartên girtîgehên din e jî heta niha her tim di bin venêrandina MGK û Navenda Qeyranê ya Serokwezîrtiyê de hate meşandin. Di nav van 11 salan de tu standardên navneteweyî nehatin bicihanin. Mafê sohbetê, mafê ragihandinê, mafê axaftina bi malbat û xizman re heta niha bi awayekî bêdadî hate astengkirin. Her wiha sazîyên mafên mirovan ên li Tirkîyeyê jî gelek caran bal kişandin ser van rewşan û wekî "Bêdadî nixrandin". Ocalan ku 11 sal e tenê tê girtin, heta niha 16 cezayê dîsîplînê lê hatin birîn.

Rêberê PKK'ê Abdullah Ocalan di 17'ê mijdarê de ji Girtîgeha Yekesî ya Taybet a Îmraliyê sweqî Girtîgeha bi Ewlehiya Bîlind a Tîpa F a Îmraliyê kirin. Ev pêkanîna jî hêla hikûmetê ve wekî başkirina şert û mercan hate diyarkirin jî hêla Ocalan ve wekî, "Çala mirinê" hate nixrandin. Piştî vê mijarê, rewşa tendurîstiya Ocalan û pirsîrêkên din jî hatin rojevê. Gelê kurd daket kolanan, sazîyên civakî û DTP'ê bang li Wezaretê Dadê kirin ku wezîfeya xwe bike. Wezîrê Dadê Sadullah Ergîn li şûna daxuyaniyek civakê îkna bike, îdiayên berê dubare kirin. Ergîn idia kir ku Girtîgeha Îmraliyê jî wekî hemû girtîgehên din ên Tîpa F'ê ye. Lê sazîyên mafên mirovan û gelê kurd ku bi rojê dehan nûçeyên der barê girtîgehên tipên F de tên û pêkanînên Îmraliyê baş dizanin bi vê gotinê îkna nebûn. Ji ber ku pratîka 11 sal e li Îmraliyê gotinên Ergîn derew derdixê.

## Avakirina Îmraliyê

Girtîgeha Îmraliyê jî hêla hikûmwarek bi navê Fahrî Usta hate çêkirin. Girtiyê bi navê Fahrî Usta piştî diwarên xirab bûyîn ên dêrekê temam kirin, serê wê girt û di 11'ê tebaxa 1935'an de Girtîgeha Îmraliyê bû yekemîn girtîgeha nivvekirî ya Tirkîyeyê. Cezayên Serokwezîr Adnan Menderes, Wezîrê Karên Derve Fatih Ruştu Zorlu û Wezîrê Aboriyê Hasan Polatkan ku di encama darizandina Yassîdayê de bi îdamê hatin mehkûmkirin, li vir hate înfazkirin.

Cenzayên wan 29 salan li Îmraliyê man. Li heman girtîgehê hunermendê esil kurd Yilmaz Guney jî maye. Piştî sala 1999'an Rêberê PKK'ê Abdullah Ocalan dil ket, di çarçoveya ewlehiyek taybet de anîn Îmraliyê. Têkildarî Îmraliyê hemû biryar bi destûr ji Wezaretê Dadê tê girtin. Vê wezîfeyê li ser navê Navenda Rêveberiya Qeyranê, Buroya Îrtîbatê ya Qeyranê ya li Îskeleya Mudanyayê rê ve dibe. Piştî demekê bi guherandina rêzîknameyê ev raye dewrî Navenda Rêveberiya Qeyranê ya Serokwezîrtiyê hate kirin.

## 260 roj cezayê hucreyê dan

Di nav 11 salan de heta niha 16 caran cezayê dîsîplînê li Ocalan hate birîn. Her wiha hemû daxuyaniyên Ocalan û tespîten civakî wekî rêvebirina rêxistinê hatin fêmkirin û bi tevahî 260 roj cezayê hucreyê li Ocalan hate birîn. Li gorî salan di 2005'an de 3 car, 2006'an de 3 car, 2007'an de 3, 2008'an de 4, 2009'an de 3 car cezayên dîsîplînê yê di navbera 10 û 20 rojan de diguherê li Ocalan hate birîn. Her wiha hevdiştina parêzeran û malbatê re ku di vî her hefteyê saetekê pêk bê, derxistin 15 rojan û bi niv saetê sînor kirin. Ji ber vê yekê gelek caran heta 3 mehan jî hevdiştin pêk nayê. Ji ber van hincetan di nav 11 salan de Ocalan tenê karî 5 caran bi malbata xwe re hevdiştinê pêk bîne. Di 2009'an de jî hevdiştina Ocalan a bi parêzerên wî re 8 caran hate astengkirin.

## Hîqûq li Îmraliyê pêk nayê

Odeya Ocalan 24 saetan bi kamerayê tê şopandin. Ligel vê yekê gardiyên, leşker û îstixbarata li wir jî di navbera mazgalan re 24 saetan Ocalan dişopînin. Li gorî zagonan lazîm e hefteyê bikaribe 10 deqeyan bi malbata xwe re bi rîya telefonê biaxivê. Bes heta niha ev destûr li Îmraliyê nehat dayîn. Tenê bi rîya radyoya TRT FM dikare mafê xwe yê agahdariyê bi kar bîne. Weşanên rojane, heftane û mehane bi hefteyan nayên dayîn. An jî qasî nivîsên van weşanan jê tên kirin, tên rewşa nayên xwendin. Her wiha gelek caran bi hefteyan di ser rojnameyan re derbas dibin û wisa didin. Roj-

nameyên Ocalan dixwaze nayên dayîn. Ocalan tenê dikare pirtûkekê li odeya xwe bigire.

## Hate jehrîkirin

Li gorî pisporê di encama he-wayê giravê, bandorên neyînî yê tenê hiştina mirovan, tecrîd û îzolasyon di demeke dirêj de mirovan jî jiyane qut dike. Li gorî pirsîrêkên ev rewş dibe sedema tahrîbata rûhî û bedenî. Ligel vê yekê parêzerên Ocalan di 1'ê adara 2007'an de li Romayê bi daxuyaniyekê ragihandin ku muwekilê wan hatiye jehrîkirin. Li ser vê yekê kurd ketin nav çalakîyan. Piştî çalakîyên kurdan Rêxistina Astengkirina Îşkenceyê ya Yekîtiya Ewropayê li Îmraliyê lêkolîn kir û daxuyand ku Ocalan hatiye jehrîkirin.

## ÎHD: Îmraliyê bêdadî ye

Navenda Giştî ya ÎHD'ê di 10'ê cotmeha 2008'an de bi armanca balkişandina ser rewşa Rêberê PKK'ê Abdullah Ocalan rapora têkildarî Girava Îmraliyê weşandibû. Di raporê de zordariyên li hemberî Ocalan dihatin vegotin. Di raporê de hate daxuyandin ku di 1'ê hezîrana 2005'an de "Zagonên Ocalan" hatine derxistin û li gorî vê yekê der barê 16 parêzeran de doz hatine vekirin. Di raporê de hate derbirin ku ji bo 12 parêzerên Ocalan her yekê cud salek ceza hatiye dayîn û piştî qediyana vî cezayî du caran 6 mehan hatiye dirêjkirin. Di 27'ê sibata 2009'an de de der barê 29 parêzerên Ocalan de doz hatine vekirin û di encama vê yekê de mafên Ocalan ê parastinê hatiye astengkirin. Di raporê de hate daxuyandin ku ji ber van pêkanînan diviya hevdiştinê jî sala 1999'an heta 2008'an 464 bûne lê ji ber astengiyên tenê 257 pêk hatine.

Her wiha di rapora ÎHD'ê de tê daxuyandin ku dema Ocalan anîne Girava Îmraliyê tu nexweşiyên wî tune bûne û niha nexweşiyên wekî anjîn, farnajît, alerjîk rînit, astim û gelek nexweşiyên din re rû bi rû ye. Di raporê de hate daxuyandin ku pergala Îmraliyê bi serê xwe bêdadiyê û tenê-hîştin li gorî xwezaya mirovan nîn e. ENQERE (DÎHA)

# Li dijî tasfiyekirinê mîsyona gelê kurd

SEYDA PERÎNÇEK

Wek em tev dizanin ku ev serê hezar salan e gelê kurd jî aliyê dewletên desthilatdar û dewleta tirk ve di her dema jiyane de hatine înkarkirin û hesabê temama hêzên navnetewî yê berjewendî aborî û siyasî li ser qirkirin û tunekirina gelê kurd hatine çêkirin. Gelê kurd li Rohhilata Navîn bi hebûna xwe, bi dîroka xwe, bi çand û hunera xwe, bi zimanê xwe yê dewlemend bandorê li ser politîkayên temama dewletên Rohhilata Navîn û yê navnetewî dike. Ji ber vê yekê ên ku pergala kapitalîzmê di dest xwe de girtine û di her beş û qada cihanê de xwedî hêzên di mijara pirsîrêka kurd de hesabên xwe û politîkayên xwe li ser tunekirin û tûnkirina vî gelê mazlûm dikin.

Piştî 28 serhildanên ku li dijî vî hovîtiyê hatin çêkirin dem dem ev serhildan û ev berxwedanên pîroz tûk çûn. Ji ber ku ên ku pêşkêşî û serkîşandina wan serhildanan kirin di tûkoşina xwe de tûkîliyên wan jî hev qut bûn û bi vî sedema jî hev qutbûnê ev berxwedan û serhildan di demeke kin de jî aliyê hêzên dijî ve tûk çûn û ew serhildan di warê çekdari de hatin rawestandin.

## Di dîrokê de şoreşa kurdan

Di rûpelên dîrokê de wateya serbilindiya gelê kurd bi xwîna mazlûman hatiye nivîsandin. Ev jî bo me rûmeteke mezin e. Piştî temama tevgerên ku serî li hemberî vî zilm û zordestiyê hildan, tevgera PKK'ê di warê çekdarî de di bin rêberiya birêz Abdullah Ocalan de dest bi şerê çekdarî û birdozî kirin. Di demeke kin de hêza PKK'ê di nava gel de hezkirin û bandoreke pîroz mezin danî. Roj bi roj xwe nû kirin, zanebûn, perwerde û hwd. di temama beşan de hêzên gerîla û PKK'ê li ser civaka kurd û Rohhilata Navîn hezkirina xwe mezin kir û mohra xwe li rûpelên dîrokê xist.

Ev pêşketin jî çavên hêzên navnetewî yê ku li dijî me hesaban dikin nereviya. Fêm kirin ku Serokatiya Gelê Kurd û tevgera PKK'ê dê pêşerojê li dijî temama qirêjî û politîkayên qirêj derkevin. Ev sekna tevgerê jî hesabê temama dewletên dagirker xiradikir. Ev tîrs û xofa van hêzên ku li ser tunekirina gelên me bi şev o rojan listikên qirê çêdikin û xwe bi xwîna gelê mazlûm didin jiyankirin ketin hevwildanên tasfiyekirina tevgera PKK'ê.

Çend caran li Kampa Bekaa xwestin ku Serokatiya Gelê Kurd tasfiye bikin, lê bi ser neketin. Çend kesên jî aliyê dewletê ve hîlbijartin, perwerde kirin û li ser navê Erge- nekonê hatibûn peywirdarkirin bi qirêjî di nava şoreşa kurd de bi cih kirin. Van kesên ku li ser esasê tunekirina şoreşa kurd cihên xwe demeke dirêj di nava tûkoşinê de standin. Van kesên ku bi zanebûn hatibûn amadekirin di nava şoreşê de

di wan şert û mercên zor û zehmetî de dîsa bi pêşvebirina Serokatiya Gelê Kurd birêz Abdullah Ocalan hatin teşîrkirin û tasfiye bûn. Ev tûkîyîna ku di kesayetiya van kesên sîxur de hat dîtin listikên ku dewletê dixwest di nava hêzên gerîla de, di mêjiyên heval û hogirên me de nakokîyan derxin holê teşîr bûn û rûyên wan yê qirêj derket holê. Ev ne bes e komploya navnetewî ya ku li hemberî Serokatiya Rêberê Gelê Kurd hate çêkirin wek hûn jî tev dizanin pêşkêşîya vî komployê di serî de Amerîka, Yekîtiya Ewropa, û çend dewletên kapitalist kir.

Serokatî ev listik jî bi pêşverû, zanistî û wê felsefeya xwe ya kûr vala derxist. A niha jî bi tecrît kirinê, di warê derûnî, tenduristî û wahşeta hovane dixwazin ku serokatiya vî gelî jî bin ve tune bikin. Ew nizanin ku felsefeya serokatî daniye holê bi hezar-salan wê serok û vî gelê tûkoşer bidin jiyankirin. Ew nizanin ku tunekirina serokatîyê tunekirina temama Rohhilata Navînê. Ev zanebûn ev feraset bi vî dewleta desthilatdar re tune. Serokatiya vî gelî ev serê sih salan e dîroka me, zimanê me, çand û hunera me, mirovatiyame, nixxênme yê pîroz tev bi saya serê wî, gerîlayên serê çiyân, şehîdên qehreman û

berxwedana hevalê zindanê wateyêke pîroz mezin standiye, cihê xwe di qada cihanê de di asta herî pêşkêfî standiye û bi rûmeteke pîroz mezin girtiye.

## Bi çand û hunerê tûkoşin

Dixwazin ku di kesayetiya Rêberê Gelê Kurd de vî dîroka me ya hezar salan, vî çand û hunera me ya kûr û berfireh, vî zimanê me yê dewlemend û letif, bi kurtasî temama nixxên me yê pîroz û hebûna me jî bin ve tune bikin. Lê bila her kes, her hêz dizanibin ku di serî de ên ku temsîli-

yeta çand û hunera kurd dikin vî bê rûmetiyê qebûl nakin. Bi çanda xwe, bi hunera xwe wê ev gel bersiveke dîrokî bidin van hêzên dagirker. Çima çand û huner? Ji ber ku di neteweti-

tiyê de xala herî girîng yekîtiya çand û hunerê ye, ya ziman e, ya dîroka ye, ya axê ye, aboriye. Di kesayetiya serokatîyê de dixwazin van nixxên me yê netewî temama binpê bikin. Lê hunermendên kurd, nivîskar û zimanzanên kurd, dîrokanên kurd, nixx parêzên kurd, û dewlemendên kurd, yanî ên ku netewa kurd temsîl dikin qet û qet vî bê rûmetiyê qebûl nakin û heta dawiyê çî hêz û qeweta wan hebe wê li hemberî vî pergala qirêj sekna xwe ya şoreşgerî di asta herî mezin de nişan

bide. Ev xeta dawîn e. Tu windakirinê me yê ku em xwe jî berxwedana vî pêvajoyê şûnde bigrin nemaye bila her kes vî baş zanibe.

Di kesayetiya serokatîyê de dixwazin nixxên gelê kurd binpê bikin. Lê ên ku netewa kurd temsîl dikin qet tasfiyeyê qebûl nakin û sekna xwe ya şoreşgerî dê nişan bidin





# Konferansa Sînemaya Kurd dest pê kir



Konferansa Sînemaya Kurd ya Navneteweyî ku bi çalakiyên cur bi cur yên li ser sînemaya kurd pêk tê ku gelek sînemagerên kurd beşdar dibin û dê heta 13'ê kanûnê bidome bi nîşandana filmê Ghobadî dest pê kir

Konferansa Sînemaya Kurd ya Navneteweyî ku ji aliyê Navenda Çandê ya Amedê, Şaredariya Bajare Mezina Amedê û piştigiriya balyozxaneyê Swêdê tê lidarxistin bi nîşandana filmê derhênerê kurd Bahman Ghobadî ya bi navê 'Nivê Heyvê' dest pê kir. Piştî nîşandana filmê resepsiyonek pêk hat û şaredar Osman Baydemir di şevê de axaftinek kir û wiha got: "Ez di wê baweriyê de me ku ev konferans ji bo sînemaya kurd bibe gaweke girîng. Her wiha ji bo sînemaya Rojhilata Navîn û cîhanê bibe sedema pêşveçûnan."

Konferansa Sînemaya Kurd ya Navneteweyî ku heta 13'ê mehê bidome û di çarçoveya konferansê de çalakiyên sînemayê yên cûr bi cûr cih digirin bi nîşandana filmê Bahman Ghobadî ya bi navê 'Nivê Heyvê' ku di Sînemaya Avrupa de hat nîşandan û resepsiyonekê dest pê kir. Film ji aliyê gelek kesan ve hat teşekirîn û her wiha şaredarê Bajare Mezina Amedê Osman Baydemir ji film teşaqe kir. Baydemir piştî nîşandana filmê di resepsiyonê de axivî û anî ziman ku heta niha li Ewropa û Rojhilata Navîn de li ser sînemaya kurd gelekî hatiye axaftin û panel hatine lidarxistin lê yekem careke ku li ser sînemaya kurd konferansekê evqas berfireh tê lidarxistin.



### 'Bibe sedema pêşketinan'

Baydemir der barê lidarxistina konferansa sînemayê de ev tişt gotin: "Ez di wê baweriyê de ku niqaşên li ser rewşa sînemaya kurd ya niha û ya paşerojê ji bo pêşerojê û pêşketina sînemaya kurd bibe sedem. Zimanê hunerê cûda ye. Sînemaya ji beşeke hunerê ye û zimanê sînemayê ya xweser heye. Ger em zimanê sînemayê fêm bikin ez di wê baweriyê de me ku em ê tiştên ku dijîn bi zimanekî gerdûnî bi riya sînemayê ve vebêjin.

Ev jî dê ji bo aştîya rojhilata Navîn dê bibe gaweke girîng." Baydemir li ser filmê Nivê Heyvê ku konferansa bi wê filmê dest pê kir ev tişt gotin: "Ev film encama hîn tiştên ku hatin jiyandin û jiyana xwe bû. Ev kurteçiro-keke jiyana kurdan bû û ji ber wê yekê girîng bû." Şaredar Osman Baydemir di berdevama axaftina xwe de li ser konferansa sînemayê wiha pê de çû: "Ez di wê baweriyê de me ku ev konferans ji bo sînemaya kurd bibe gaweke girîng. Her wiha ji bo sî-

nemaya Rojhilata Navîn û cîhanê bibe sedema pêşveçûnan. Ez careke din jî bo hemû kesên ku keda wan di wê xebatê de derbas bûye spasîyên xwe pêşkêş dikim. Ji ber ku em wekî şaredarî hem di nav wê xebatê de cih digirin û hem jî konferansekê wiha re malovaniyê dikin pir kêfxweş in."

Sînemaya kurd hem dê di warê ziman de hem jî di warê mekan de bê niqaşkirin û bersîva pirsên wekî: 'Gelo sînemaya kurd di binavkirina sînemaya welatan de cih bigire?', 'Gelo mimkûn e mirov behsa peyva sînemaya kurd bike?' bînin. AMED

## Fîlozof û xasê ola Êzdiyatîyê

Şêx Fexrê Adiyân  
Filosof û xasê ola Êzdiyatîyê



PIRTÛKA Şêx Fexrê Adiyân ya bi navê 'Fîlozof û xasê ola Êzdiyatîyê' ji weşanên Dengê Êzdiyan hat çapkirin û pirtûk li Oldenburgê li Almanyayê derket. Ev pirtûk li ser Şêx Fexrê Adiyân e ku di sedesala 13'an de ji jiyayê û yek ji mezintîrîn zanayên ola Êzdiyan e û gelek ji tekstên ola Êzdiyan ji aliyê wî ve hatine nivîsandin.

Di pirtûkê de gotin û felsefeya Şêx Fexrê Adiyân cih digirin û Adiyân di gotineke xwe de wiha dibêje: "Min ilmê erdan tewa kiriye û ez ê herim ilmê ezmen bistînim." Di malpera Dengê Êzdiyan de jî bo nasandina pirtûkê ev agahî cih digirin: "Heta niha deng û rastîya Êzdiyatîyê di bin giraniya baweriyên zordestan de hatiye kerkirin. Ev bawerîya kevna û xwedênas, ku ji kûrayiya hezarên salan tê, ronahiya xwe daye riya gelek şaristaniyan û jî olên pey xwe re jî bûye bîngeheke avakirinê - hê jî di nava zordestiyê, neheqiyê û tunekirinê de maye. Ligel xezaba dewranan jî dîsa ew maye weke rastîyê meşîyî, kevna û bîngeheke hêja jî bo gelê me. Niha dem hatiye, ku gelê kurd û bi teybetî Êzdi dikarin li wê ola hêja xwedî derbikvin."

Pirtûka ji 322 rûpelan pêk tê û her wiha di pirtûkê de wêneyên reş û spî jî cih digirin. OLDENBURG

## Di şeva çandên cuda de coşa govendê

Di Zanîngeha Neuchâtel a Swîsreyê de bi boneya betlaneya beşa Enstîtuya Çand û Zimanê Fransî ya Nûdem de şevê hat organizekirin û di şevê de xwendekarên kurd bi kincên xwe netewî û govendan ve mohra xwe şevê xistin û rastî eleqeyêke mezin hatin.

Li Swîsreyê di Zanîngeha Neuchâtelê de ji bo xwende-

karên biyanî dersên zimanê fransî tê dayîn û Beşa Institut du Langue et Civilisation du Français (ILCF) (Enstîtuya Çand û Zimanê Fransî ya Nûdem ku girêdayî zanîngehê ye bi boneya dawîya perwerdeha demê û betlaneyê şevê hat organizekirin. Li vir xwendekarên biyanî ku yên wekî ereb, inglîz, meksîkayî, çînî, rûs, kurd û

portekîzî bi qasî 30 netewên cîhanê yên cûda li vir perwerdehiya zimanê fransî dibînin. Di şeva ILCF'ê de çand û neteweyên cuda hatin cem hev û hîn xwendekarên bi çekirina xwarinên netewî ve reng da şevê û hîn xwendekarên jî bi pêşkeşkirina govend, reqsan ve reng dan şevê. Bi qasî 150 kesî beşdarî şevê bûn û zarokên rûsî

bi kincên Bavê Noel ve bernameyêke reqşê amadekirin û rastî eleqeyê hatin.

Di şevê de bi taybet jî koma kurdan ku bi kincên neteweyî û govendê ve çanda xwe dan nasîn rastî eleqeyêke mezin hatin. Xwendekarên kurd kincên neteweyî yên herêmên Kurdistanê yên wekî Botan, Riha û Amedê xwe kirin û ji aliyê xwendekarên netewên din ve rastî eleqeyê hatin. Di şevê de bi taybet jî dema xwendekarên kurd govend girtin rengîniya şevê derket asta jor. Xwendekarên kurd govenda bi navê çepik ve derketin ser dikê û xwendekarên kurd bi listina govenda Xelef ve dom kirin.

Govenda xwendekarên kurd ne tenê ji aliyê xwendekarên zanîngehê her wiha ji aliyê mamoste û hindekarên zanîngehê jî rastî eleqeyê hat û dema govenda delîlo hat listin ev jî ketin govendê û tîra dilê xwe govend girtin. Herî dawî jî hemû xwendekarên netewên din ketin govendê û hemû salon ve hev re govend girtin. Xwendekarên ku bi nawayên muzîka kurd ve coş bûn nîşandan ku çandên cuda bi xwişbînî çawa di nav hevde dijîn bû mînak. NEUCHATEL



### Wêne

## Li Îzmîrê pêşangeha wêneyên reş û spî ya cuceyan



Pêşangeha bi navê 'Di nav jiyandê de' ku mijara wê jiyana cuceyan e ku wêneyên reş û spî pêk tê li Îzmîrê di Febrîqeya Dîrokî ya Havagazî de hat vekirin.

Pêşangeha wênekêş ya Tulun Şaşmaz Uzmez ya bi navê 'Di nav jiyandê de' li Îzmîrê Febrîqeya Dîrokî ya Havagazî hat vekirin. Wênekêş Uzmez ku bi xebatên wêneyên belgîyî dikê piştî xebata xwe ya li ser qereçiyên niha jî berê objektîfa xwe da jiyana cuceyan. Di pêşangeha ku bi wêneyên reş û spî pêk tê de jiyana cuceyan ya rojane cih digire û Tulun Şaşmaz Uzmez der barê pêşangehê û xebata xwe ev tişt gotin: "Ez di wê baweriyê de me ku bi riya wê pêşangehê ve em ê hinekî bala xwe bidin cuceyan ku di jiyana rojanê de em wan berbiçav nagirin." Uzmez bilêv kir ku di pêşangeha wî de wekî mijar jiyana 9 kesên li herêmên cuda yên Tirkiyeyê cih digirin. Uzmez diyar kir ku yekem car li Tirkiyeyê xebateke bi rengî pêk tê û bi wê projeyê ve dê jî bo kesên din bê vegotin ku mirovên cuce ku parçeyek jiyandê ne. Pêşangeha ku ji 40 wêneyên reş û spî hatine kişandin pêk tê heta 10'ê çileyê vekirî bimîne. İZMİR



## ZAROK

## Boyax

## Sewîlê Sofî



Hebû tunebû, carekê ji caran, sofî-  
yek hebû. Rojekê sofî sewîlê xwe  
girt çû serê kaniyê, da ku destmêj  
bigire. Sewîlê xwe danî bin latekê û  
çû ku destê xwe bişo. Vegeriya cem  
sewîlê xwe, dît ku lat bi ser sewîlê  
wî de ketiye, sewîl şikestiye.

Sofî gote latê:  
"Çima te sewîlê  
min şikand?" Latê  
got:

"Nexwe  
çima giya  
di bin min  
de şîn  
dibe?"  
Sofî gote  
giyê: "Ji bo  
çi tu di bin  
latê de  
şîn dibî?"

"Giyê  
got: "Nexwe  
ji bo çi pez  
min dixwin?"

Sofî gote  
pezan: "Ji bo çi hûn giyê dixwin?"  
Pezan got: "Nexwe ji bo çi gur têne  
me?" Sofî gote guran: "Çima hûn  
têne pezan?" Guran got: "Nexwe  
çima se têne me?" Sofî gote seyan:

"Çima hûn têne guran?" Seyan got:  
"Nexwe çima kebanî me têr nan  
nakin?" Sofî gote kebanîyan: "Çima  
hûn seyan têr nan nakin?" Kebanî-  
yan got: "Nexwe çima mişk hebanên  
me qul dikin?" Sofî gote mişkan:

"Çima hûn hebanên kebanîyan  
qul dikin?" Mişkan got:

"Nexwe çima  
kitik me dikujin?"



"Sofî gote kitikan:  
"Çima hûn mişk-  
kan dikujin?"

Kitikan got:  
"Em birçî ne, em  
mişkan dikujin  
û li dora mala  
xwe çivan didin  
xwe."

Sofî dîna  
xwe dayê ku  
dawiya van pirs û  
bersivên bi bahane  
nayên. Her kes li  
hev li bahanan digere.  
Dev ji wan berda û

parçeyên sewîlê xwe dan hev û vege-  
riya mala xwe.

Çiroka min li diyaran,  
rehme li dê û bavê guhdaran,  
ji bilî fesadên ber dîwaran.




## Nêçîra Peyvan

Berçavk  
Bawerî  
Ewropa  
Lêzim  
Dahol  
Laçik  
Kebab  
Bîst  
Pol  
Ter  
Rim  
Bîr

D A H O L

Hevalên delal,  
hûn dikarin  
peyvên li jorê  
yek bi yek di  
tabloyê de bi  
cih bikin?





# Şîna Leyla Qasim

Serî hilde ji gorînê  
temaşê 'ke hela Leyla  
li ser te kurd dikin şîne  
delala ber dila Leyla  
bi destê dijminê xwînaxwar  
tu hat kuştin xuha perwer  
ku derdên te giran dan ser  
hemî derd û kulan leyla  
te bê tirs, canfida kurdan  
werisê meşneqa wêran  
wekî ristek hil û mircan  
vebestî gerdenê Leyla  
şêrina hem dem û yara  
tu rewşa naz û didara  
te em hiştin li şûn wara  
li çol û kerbela leyla  
li ser te em rengê goyînê  
dirêjin hêstirê xwînê  
Rijandiye li rîya jînê  
xwîna xwe wek gula Leyla  
ciwan û rind û nû giştî  
tu ev zincîr û ev piştî  
li ser milê me tev hiştî  
di niv top û gula leyla  
bi sûnd û soz û peymanî  
ko heyfa te bi ser û can bi  
li nik me dê çi erzan bi  
tu bawer bi bila Leyla  
divê xwîna xwe birjînin  
ku em heyfa te bistînin  
tu car em berno danînin  
ji nav dest û mila leyla  
Bi tevdira xwe Berzanî  
xeta cengê ji mer danî  
Me bawerya xwe pê anî  
Çi gel û komela Leyla  
Me al hildaye ber jorê  
Bi darê kotek û zorê  
Di gel te ko neçî gorê  
Bi hesret û bela Leyla  
Em ê tabûtkê peyda kin  
Ala rengin bi ser dakin  
Di ber dijmin re derbaskin  
Di gel şêx û mela leyla  
Tu xweş fexre ji kurda re  
Bi kerwanê şehîda re  
Dilê min tim bi heware  
Ji rengê bilbila Leyla  
Bi wê bejnê bi wê qamê  
dema bighêje hendamê  
Silav bikxas û wê amê  
Şehîd û goriya Leyla  
Bi wî rengî bi wê xwînê  
Li tenîştê şêx seîd rînê  
Tu gurzêd misk û beybûnê  
Bidî ber wan, cilla Leyla  
Dîgel Qazî Mihmed bi  
Li nek Seyfî, Siyamed bi  
Li cem Extî û Mehmet bi  
Di rêza şêrgela Leyla  
Ji derya hiş duran bînim  
Bi ziv û zêr bineqîşînim  
Li kêla ber serideynim  
Dîrok û cedwela Leyla  
Bi te r yezdan dilovan bi  
Bi didara xwe perwan bi  
Te wargeh baxê Rîdwan bi  
Di niv sorgula Leyla  
Heya saxim ezê bêjim  
Li ser we mest û hem gêj im  
Bi xweş xwanê xwe Tîrêj im  
Ku la hewle wela Leyla

SEYDAYÊ TÎRÊJ  
Jêderk: malame.org



# Çîroka Xanê Çengzêrîn

XURŞÎD MÎRZENGÎ

Navê wî ji bûyinê vir de Xan e. Xan, zane û xanedan e. Siwarê hespê qer, ji nêçirê dizivire. Li ser rê rastî birreki pez tê. Nan û şîrê xav tîn bîra wî: 'Ez ê li ba şivan dakevim...' Li dora pez dizivire, şivan nabîne. Dinêre li palê jor, şivan pišta xwe daye qurmê dara mazî, bûye berkole... Digihîje pêş darê, rebenê şivan ji westandinê, ji çî, di xew de çûye. Hay ji xwe nemaye, bi dengê piyên hespê Xan ji şiyar nabe.

Xan bîrbir, dûrbîn, fama û xwediyê xiyalan e. Li ser pišta hespê ji bilî ku peya bibe, li şivan temaşê dike. Şivan di xeweke pir kûr de. Ya giyana wî jê çuye an jî dê here cergebaziye... Şivan tasa şîrdagirtî li ber xwe daniye, bilûr berwar li ser devê tasê û di xew de çuye. Heyfa Xan lê tê ku şiyar bike: 'Gune ye, bila razê.' dibêje.

Xan li ser pišta hespê, heya şivan şiyar nebe, dê şivaniya wî bike... Li ser pišta hesp, çavên wî li ser şivan. Li didariyên (ifadeyên) sînceyê şivan temaşê dinêre. Ruyê şivan bê endîşe, li ser bişirînê ye. Lê çi ças e? Nayê xwandin... Xan dibîne mozekî ji pozê şivan derdiket, di devê bilûrê de ket hundir, di binî de derket, bi alî çiyayê hember de firî û di nava zuxrê zinaran de, ji ber çavan wînda bû...

Xan, moz bi bînahiya gurê şevên sibatê, salîse bi salîse şopand... Xan di nava fikarran de, hew dît moza şivan zivirî, hat di binê bilûrê re derbas bû, di aliyê pîfkirinê re derket, di pozê şivan de ket hundir. Bi windabûna mozê re şivan bi vecinîqandin şiyar bû. Şivan li Xan nêrî:

"Ez benî... We ez ji xeweke şîrîn şiyar kirim..."

"Xêr be birarzî, te xewn dît?"

"Qet nepirse, ez benî... Çarşiyê xweş bû... Fena çarşiya zêrfiroşan..."

"Birazî, meriv xewnên xweş bêje, di bîra meriv de dimînin... Xezîneya hişê meriv dewlemendtir dibe. Xewn û xiyal, du çiqilên darekê ne. Çika bêje, çî bû?"

"Ez benî, di ser çemeke spî re, ez di pireke heftçavî re derbas bûm... Gihîştim qûntara çiya. Di qefekê de deriyekî li min vebû... Ketim hundir... Nava çarşiyekê... Çarşiyêke pir mezin, di dikanên wê de durr û lal, ji sedef û mircanên çixanokê binê derya bigire, heya aqût û elmas, lal, di dikanên çarşiya Sêgulî de refên dikanan dagirtî... Dîwarên çarşiyê ji zêr, qehfî ji ziv... Xweliya kuçe û kolanên ji tûnc. Dikanên mezin û çîcîk... Ferfûrîroş, qîz û bûkên ji welatên zêrfîroş li pišta dezgeyên mircanîn... Ez di kuçe û kolanên wê eywanê, na na

wê sûkê, dikanan de geriyam, min hîn tiştêkî nekirî bû, we ez şiyar kirim..."

"Xewn e birazî..."

Sibetirê Xan çû çiya, xulxulê moz ji ber çavên wî wînda bûbû. Bi pencîkan pê ket... Deriyek derket. Ket hundir. Salixên şivan... Çarşiyek ferfûrî, aqût û elmast, Xanê Kurdan di nav de... Xan zivirî, berê xwe da Text û Payê şah Ebasê Safewî. Dergevanan agahî dan şah, gotin:

"Reqîbê te yê santrancê hat."

Şah, Xan kênzîne jor kir. Texteya kiş,

(satranc) li ser maseya sedef danî. Piştî mirra şahane, Xan ji şah Ebas re got:

"Îro şertekî min heye, şahê min..."

"Fermo bibêje, Xanê kurdan..."

"Ger tu min bibî, çî wext pêwîst be, ez ê ji şahê xwe re di eniya Xoresan, hêla Afgan de bibim serbaz. Ger ez qezenc bikim, tapuyê çermê gayekî xwelî dixwazim..."

Piştî pejirandina Şah, hesp û gerdan li hev siwar bûn, nefer û qele di nava piyan de tar û mar... Xan kiş bir ser... Ciyê revê nema bû, şah tes-

lim, rûçik lê sor bû...

Bi mêvanperweriya şahîn şah, Xan vegeriya. Çermê ga heft şev û heft roj ji nava avê dernanî, roja heştan deziyê çerm danî, deşt û zozan hilanî...

Şahîn şah bawîşk anî, ji jîriya Xanê Keyanî re kum danî, 'kişa' Xan bi bîr anî... Nikarî bibêje: 'Bêbextiye, bazara me çerm, ne dezî ye...'

Xan, deşt û zozanên bi deziyê ga pîvayî tapû kirin. Mîr û mele anîn, dîwarê Kela Dimdim idanîn. Xanê Kurd bû Xanê Çengzêrîn. Çima?



# Nameyeke qedexe

tu dizanî  
niha ez dîsa ji derve me  
baran wek xunavê dibarê  
dimeşim bi tena serê xwe,  
wekî teyrêkî ji refê xwe qetiyayî  
tenê hestên min  
hevaltiyê ji min re dikin  
carna dikevim nav xeyalên kûr  
zaroktî û hemû serpêhatiyên  
xwe  
bi bîr tînim  
dibe ku hîn demdirêjtir,  
bi tenê bîmînim  
tiştê herî rast ew e ku  
ji bilî mirov tu kesê mirov nîn e

erê havela min  
jiyan carna,  
dibistana herî mezin e

ji bo mirov  
her tiştê ji bo mirov bîmîne  
kar, emel û sekna mirovîn  
gelo wê siberoja me  
hesabê pêşeroja me karibe  
bide an na  
ew jî dîsa  
wê jiyan û sekna min diyar  
bike

heman tiştê ji bo hestan jî wisa  
ye  
carna germ, carna sar dibin  
bi qasî germahiya dilê min  
hestên min niha,  
mîna cemed bigirin sar in  
nizanim di çihana xeyalên min  
de  
her tiştê rengo rengo bû

lê niha tenê reş heye

tu dizanî,  
reş rengê şîne, mirinê û tariyê  
ye  
ez niha di çihaneke tarî de  
dijim  
siberoja min,  
wê çî nîşanî min bide nizanim  
tiştê ez dizanim,  
ew e ku  
bêrîkirinê min  
wekî çiya mezin bûne

belê xoşewîsta şîrîn  
hesreta di dilê min de  
dikele wekî volkanekê  
dibe ev evîn min bikuje,  
an jî dîn bike,

lê ne xem e  
bila birîna min  
ji evîna te be  
tenê tu min ji bîr neke  
bes e ji bo min

erê hostaya xewnên min  
min ji te re  
vegotina xwe  
bi dilekî birîndar,  
bi zîmanekî qedexe  
anî zîman

mîna evîn û jiyana xwe ya qedexe  
gelo siberojê,  
ez ê karibim  
bi zîmanekî azad,  
çîroka xwe ji te re bêjim,

an jî jiyaneke ne qedexe  
bijim

lê tu qet xeman nexwe  
ne pisgirêk e ji bo min  
bi her awayî  
ez ê karibim,  
bi evîn, zîman û hestên azad  
bijim.

bi hêviya  
hevdiyaneke  
bêastengî û ne qedexe  
dîsa ez çavên xwe  
di dilê te de diçimînim  
te di nefesa xwe de hîs dikim  
û di kena xwe ya birîndar de  
bi bîr tînim.....

DILHEJAR





# Beşiktaşê Diyarbakirspor bi kulîlkan pêşwazî kir

Di 15'emîn hefteya lîgê de Beşiktaş û Diyarbakirspor li sahaya İnönüyê hatin hemberî hev. Alîgirên Beşiktaşê helwestek mînak nîşan da û Diyarbakirspor bi kulîlkan pêşwazî kir



## Dêra Mor Loozar hate texrîpkirin

Li gundê Habunnesê ku bi ser navçeya Mîdyata Mêrdînê ve ye Dêra Mor Loozar a 2 hezar salî ku ji aliyê suryaniyan ve tê bikaranîn, qûleya wê ya înzîvayê ji aliyê hin kesên ku nasnameya wan nayê zanîn hate texrîpkirin.

Li gundê Habunnesê Dêra 2 hezar salî ya suryaniyan Mor Loozar



qûleya wê ya înzîvayê ji aliyê hin kesên ku nasnameya wan nayê zanîn hate texrîpkirin. Bilindahiya qûleyê 6 metre ye.

Der barê bûyerê de serokê Komeleya Dîaloga Nava Şaristaniya Mehmet Ali Aslan daxuyaniyek da û diyar kir ku wê êrişê şermezar dikin û wiha pê de çû: "Di vî pêvajoyê de êrişê wisa hov e, qet ne baş e. Em vî êrişê şermezar dikin."

Aslan anî ziman tu eleqeya vî êrişê bi gundiyan re tune ye û wiha dirêjî da axaftina xwe: "Gundiyan me xwedî li malên xwe derdikevin. Hem musliman û hem jî suryanî bi awayekî taybet mizgeft û dêrên xwe diparêzin. Kevirê jî ji dîwarê dêrê an jî mizgeftê bikeve qebûl nakin. Ev feraset bi salan vî dêrê diparêze. Gundê me di warê 4 ziman û 4 olî de hate hilbijartin. Lê derket holê ku bi vî êrişê dixwazin piçandiyê parçe bikin." AMED (ANF)

## Ji bo kevneşopiyê têdikoşin

Li Hatayê zeytûn çavkaniya herî girîng a debarê ye. Li bajar zeytûn ne bi rêbazên modern bi rêbazên taybet yê kevneşopî tî hilberandin. Ji bo ku ava meşhûr a zeytûnan derxînin hemû zehmetiyên didin ber çavên xwe. Ava zeytûnê bi taybetî di meze û taştê de tê bikaranîn. Ji bo ku vî ava zeytûnê bi awayekî hêsan derxînin holê li Zanîngeha Mustafa Kemalê Beşên Lêkolînê hatin avakirin.

Di salên dawî de li Hatayê gelek fabriqeyên teknolojîyê dişopînin. Ligel ku ev fabriqeyên teknolojîyê bi kar tînin, cotkar jî bo kevneşopîya xwe bidomînin ber xwe

didin. Wekî hûn jî dizanin li Hatayê "ava zeytûnê" cihêkî girîng digire. Wekî meze ser her sifreyê cihê xwe digire. Hilberînerên zeytûnan bi rêbazên xwe yê xwezayî hilberîna zeytûnê xwe dîke. Ava zeytûnê jî bi rûnê zeytûnê tê çêkirin.

### "Tehmeke cudayê"

Li Hatayê ava zeytûnan di demên dawî de di fabriqeyan de tê çêkirin. Lê cotkarê bi navê Mehmet Karagule û kurê xwe, ava zeytûnê bi derfetên xwe çêdikin. Karagule zeytûnan dike bin kevirên giran û bi alîkariya hespî rojekê seranserê dipelçiqîne. Karagule

der barê vî de axivî û anî ziman ku ev karekî gelek zehmet e lê ji bo ku tehma wê xweş e, ligel hemû zehmetiyên vî karî dikin. Karagule wiha dirêjî da axaftina xwe: "Jixwe li hemû fabriqeyan rûnê zeytûnan tê hilberandin. Lê tehma ava zeytûnê cuda ye. Em bi salane jî bo xwe ava zeytûnê çêdikin. Em jî mêvanên xwe de jî pêşkêş dikin. Em hilberîneke xweş derdixin."

Li Hatayê buhayê rûnê zeytûnan li gorî cureyê diguhere. Buhayê rûnê zeytûnan di navbera 4.50 û 6.00 de diguhere. Ava zeytûnan jî di navbera 7.00 û 7.50'an de diguhere. HATAY



Diyarbakirspor ev demêke dirêj e li bajarên din rastî êrişên nijadpereset dihat. Ji ber vî yekê jî êdî hatibû asta ku ji lîgê vekişe. Lê li Stenbolê ku gelek kurd lê dijîn bi kulîlkan hat pêşwazîkirin. Diyarbakirspor li stada İnönüyê bi kulîlkan hat pêşwazîkirin.

### Gogbaz bi destê hev girtin

Gogbazên her du tîman bi destê hev girtin û derketin sahayê. Gogbaz û rêveberên Diyarbakirsporê jî vî rewşê gelek kêfxweş bûn. Her du tîman jî xwest ku ev rewş ji tîmên din re jî bibe mînak.

Alîgirên Beşiktaşê bînavber dirûşmên "Em Beşiktaşî ne, li dijî nîjadperestiyê ne" berz kirin li ser vî alîgirên Diyarbakirsporê jî dirûşma "Beşiktaş" berz kirin û li ser vî yekê alîgirên Beşiktaşê jî bo Diyarbakirsporê li çepikan xistin. Piştê alîgirên her du tîman jî bi hev re dirûşmên "Reş û spî" û "Kesk û sor" berz kirin. Di 15'emîn hefteya lîgê de Beşiktaş û Diyarbakirspor li Stenbolê, di sahaya İnönüyê de maçek listin. Maç bi 0-0 bi dawî bû.

### "Em ji bo pûnanan hatin"

Ziya Dogan anî ziman ku Beşiktaş re qîbeke jê hatiye û wiha axivî: "Reqîbê me di serê lîgê de serkeftineke mezin bi dest nexist lê bi sekeftinê xwe yê dawî bû namzetê herî mezin ê şampiyoniyê ye. Moralê gogbazan jî li cih bû. Maçêke bi zehmet li pêşya me ye. Em dixwazin ku îşev maçeke baş nîşanî alîgirên Beşiktaşê bidin. Em dixwazin ku bi 3 pûnanan jî vir biqetin. Heke ku 3 pûnan nebe jî em dixwazin herî kêm bi pûnaneke jî vî vegerin. Tişteke ku mirov lê zêde bike tune ye. Em jî bo pûnanan hatin."

Heta niha Diyarbakirspor û Beşiktaşê 20 maç listine. Di van 20 maçan de, Beşiktaş di 10 maçan de, Diyarbakirspor di 5 maçan de bi

ser ketiye, di 3 maçan de jî beramber mane.

### Ji alîgirên Beşiktaşê re spas kir

Gogbazê Diyarbakirsporê Şener Aşkaroglu, diyar kir ku ew di dewreya yekem de zêde bi serkeftî nelistine lê di dewreya duyemîn de bi awayekî serkeftî listine û wiha axivî: "Em ji encamê kêfxweş in. Di nav vî hefteyê de hinek zehmetî derketin pêşya me. Em jî bo rûmeta xwe û Amedê listin. Em xweş listin û xweş beziyan. Ji ber ku em destvala venegeyriyan kêfxweş in. Dibe ku em bi vî pûnê di lîgê de bîminin." Şener jî alîgirên Beşiktaşê ku ji bo dekevin trubînan bang li wan kirin spas kir û wiha pê de çû: "Divê li Tirkîyeyê tu cudaxwaziyên siyasî û nijadî tune bin. Di çend maçan de tiştên nexweş qewimîn. Îroj dîmenên gelek xweş derketin holê."

### "Divê ku hinek vî rewşê çareser bikin"

Gogbazê serkeftî yê Diyarbakirsporê Tolga Dogantez, derbirî ku jî ber hin pîrsgirêkên aborî di tîmê de hin pîrsgirêk derketine û wiha pê de çû: "Wekî ku tê zanîn di nav hefteyê de çend pîrsgirêk derketin. Di nav kulûbê de pîrsgirêkên aborî hene. Me tu carî vî pîrsgirêkê jî derve re venegeytin. Di nav tîmê de hin hevalan pere negirtin."



Lê ez naxwazin podagojiyê bikim. Tîma me di bin şertên gelek giran û zehmet de hat van rojan. Em di dewreya yekem de xweş nelistin. Lê di dewreya duyemîn de bi guherîna listikvanan, listikeke xweş derket holê. Pêwîst bû ku em bi rûmeta xwe bilîzin. Diyarbakirspor, tîmeke ku dikare pîrsgirêkan çareser bike û çavkaniyên xwe biafirîne ye. Divê ku her kes destê xwe bixe binê kevir."

Ziya Dogan di nav Beşiktaşê de gihîşt. Bi salan formaya reş û spî li xwe kir. Dogan piştî ku gogbaziye berda di hin tîman de antrenorî kir. Bi gelemperî 15 caran li dijî Beşiktaşê derketin maçek. Di van 15 maçan 9 heban de tîk çû û di 6 heban de bi ser ket. Piştî maça Beşiktaşê gelek kêfxweş bû. Ziya Dogan wiha got: "Me hêza Beşiktaşê û hêza alîgirên wê dizanibû. Di dewreya yekem de wekî ku me dixwest em nelistin."

### "Em bi du antreman hatin"

Ziya Dogan derbirî ku ew tenê bi du antremanan derketine pêşberî Beşiktaşê û wiha got: "Me di serê sezonê de jî antreman nekiribû. Ji ber vî jî lingê hin gogbazan dişîyan. Rêveberî dibêje ku em dê di dewreya duyemîn de jî hêla aborî hinek rihetir bibin."

### "Amedî gelek hêza ne"

Piştî maçe qelewanê Diyarbakirsporê Gokhag Tekgoz jî gelek kêfxweş bû. Tekgoz, bilêv kir ku wan hêza Beşiktaşê dizanibû û wan li gorî hêza wan xwe amadek kirine. STENBOL

Encamên maçên ku Diyarbakir û Beşiktaş li Stenbolê listine wisa ne:

1977-1978	3 - 2
1978-1979	2 - 0
1979-1980	2 - 1
1981-1982	1 - 1
1986-1987	4 - 1
2001-2002	4 - 0
2002-2003	2 - 0
2003-2004	1 - 0
2004-2005	4 - 0
2005-2006	1 - 1